

2 KORIN

Khe Por Phenatigap Koriniŋ Ndi Khergi Gap

Khe fharav ganinga buni khare.

Korin ŋgu bakimen ki siosan vhen ki gumgi gu mbigi mbari, mbe buni mbatigir Por ga suangim, Por ne nzuav guigira ndav simgi. Ana Koriniŋ phorgip mba buni ndiv thigar maan zav kha gava khergi.

Ana maan muungip, ana taagip mbe phorgip ndikndigirga. Ana mba gava kherav, ana fharav, ana kama havharar ana mba fhum Koriniŋ ga suangi buni, ana wom ntan mbe nzuai. Ana guigira mba buni suangeŋ vuzvugi fhuvara. Mbe khaŋ muungi, mbe riiriv buni mbatigir ana suangim, ana maan muungiap kama havharar mba bunin mbe nzuai. Ana mbe suangim, mbe ana buni mbararagiap, wari wo mbui tivi ndiv thigar mbarigim, ana maan muungiap ntigem guigira ndikndiga mbatiga mbui.

Mba tugen Zudia ŋgu bakimen guigira Zisas khotihi gumgi gu mbigi, mbe kiri tiva mbatiga mbuim, Por mbe nzuav ŋkiiia fukfugi. Ana mba ŋkiiia ndigi ŋgip mben niŋga. Maan muungiap, sapta 8 gu 9, Por Koriniŋ ndavi khavi bunin mbe nzuai. Mbe mba ŋaara suanv ŋkiiia ndi niin zav, ana mba bunin mbe nzuai.

Por mbe nzua vov, mba gavar mpuu buni, ana mba Fhe Bakimen ŋaara gumgir fhura wari ga

shishigi gumgi bun nzuai. Mbe zav Korinan kav, Por zi mbevav, Por mba Zisas ana farasarigim, ana mba mbui njaar, mbe buni mbatigir ana nzuav, ana mbevav, ana farfagi.

Por Zisas farasarigi njaara gumgi Fhe Bakime mbe niinggi njari ga nzuai.

¹ Gu Por, gu Kraiss Zisas farasarigi njaara guma. Fhe Bakime vuzvugara Zisas na farasarigim, gu anan njaara guma ki. Na phorga guigira Zisas koothigi guma Timoti, nka kha gava khergiap, nde Korin ngu bakimen Fhe Bakime sios vhen ki gumgi gu mbigi, nka kha gava khergiap, nde ndi mbaav, vhira guigira Zisas koothigi gumgi gu mbigi, nde Akaia ngu bakime fhain ki, nka vhira anan nde ndi mbai. ² Nzan Ndia Fhe Bakime gum nza Bakime Zisas Kraiss, mani fhura nden kora muunggi kora muumbar gum ndava miitigar nden niingrim, nde kiri.

Por Fhe Bakime ana kurigi ne nzuav anan ndikndigi.

³ Nza Fhe Bakime zi ndiv vun kuamkuarga. Ana nza Bakime Zisas Kraissan Fhe Bakime gum anan Ndia ma. Ana guigira za kora mbui tivir Ndia ma. Ana za ndava miitigar simtik ki gumgi ga ndi Fhe Bakime ma. ⁴ Ana za nkan hi simtigi, ana ndava miitigar nka ndi. Maan muungiap, Fhe Bakime ndava miitigar nka ndi tivara, nka vhira mbarkirga simtigi ndi gumgi, nka mba ndava

m̄itigar mben n̄inga. ⁵ Krais zaagi gu simtigi v̄h̄irve ndigi, ŋka v̄h̄ira zaagi gu simtigi v̄h̄irve ndi. Mba tivara Fhe Bakime Kraisan panan, anan ndava m̄itik ŋkan ndava vheni givigi. ⁶ Ŋka maan̄ muun̄gip simtigi ndirga, nde ne nzuav ndavi m̄itigi ndiv, nde nzerara kirga. Fhe Bakime maan̄ muun̄gip ndava m̄itigar ŋkan n̄inga, ana v̄h̄ira ndava m̄itigar nden n̄inga. Fhe Bakime maan̄ muun̄giap, ŋkas̄ŋka nde nd̄ii, nde th̄igi havhargip, ŋkan farar muun̄gip mbarkirga simtigi ndirga. ⁷ Ŋka guigira khuen̄ k̄oth̄iga havhargi, nde th̄igi havhargirga. Ŋka kan̄gi, nde ŋka phorgap mba simtigi ndi, nde v̄h̄ira ŋka phorgiv ndava m̄itiga ndirga.

⁸ Nde ŋka phorgap guigira Zisas k̄oth̄igi gumgi, nde Esia ŋgu bakime fhain ŋkan h̄igi simtigi, ŋka khuen̄ vuzvugi, nde nta kan̄girga. Mba tugar ŋkan h̄igi simtigi, nta guigira kivgiap, ŋka mbeviggi. Maan̄ muun̄giap, ŋka guigira khuen̄ ndikndigi, ŋka za v̄h̄izgirga. ⁹ Ne guigira khan̄ muun̄gi, ŋka vov bigi ndi th̄igar mbai guman pana n̄iman th̄igap ŋka mbararagim, ana khan̄ ŋka nzuai, “Ŋko rimgip, za v̄h̄izgirga.” Mba simtik mba fara muun̄giap ŋkan h̄igi. Mba simtigi ŋkan h̄igirim, ŋka maan̄ muun̄gip wom wani won ŋkas̄ŋka ga ndikndigirga fhuvara. Ŋka Fhe Bakimen ŋkas̄ŋka ga ndikndigirga. Ana v̄h̄izi gumgi, ana taagia mbe khavi guma ma. ¹⁰ Mba simtiga mbatiga guaren̄ra, ne guigira ŋka shogirim, ŋka v̄h̄izgirga tuktigi. Fhe Bakime thav taagia ŋka ndigi. Ana v̄h̄ira zungum mbara

muungip taagi nka ndigirga. Nka khuenj kothiga havhargi. Mba bigi mbatigi zazera nkan farfa sanv muunga, Fhe Bakime taagip nka ndigirga, nka nzerara kirga. ¹¹ Nde vhirira nkan kurav Fhe Bakime phorgip suanri. Nde maan muunga Fhe Bakime gumgi vhirve buni mbararav nkan kurkurarga. Maan muunga, gumgi gu mbigi vhirve, mbe Fhe Bakime nkan kurkurigi tiva ganiv, mbe Fhe Bakimen ndikndigirga.

Por Korinin guigi fhuvara.

¹² Nka bigina buenra nzuav wani wo zini ndi vun kuamkuagi. Nka ndava vheni khuenj kanji, nka nden han kav muungi tivi, nka zazera khan tiga havhargiap Fhe Bakime vuzvugi tivi gum tivi guari, nka nta zin vui. Nka mba tivar za kha gumgi gu mbigi ga mbui. Fhe Bakime fhura nkan kora muungiap nkan kurkurigim, nka mba tiva muungi. Nka kha nuianan ki gumgi ndikndigi vhuuin zin vui fhuvara. ¹³⁻¹⁴ Nka gavi kherav nde ndi mbav, nka nde ganiv kanjirga buni ntirivenra kherav nde ndi mbai. Nka harigi khesharigi buni thari khergiap nde ndi mbarigi fhuvara. Khuenj guigira, nde tugi mbarir, nde tuituigiap nka khergiap nde ndi mbarigi buni mbari, nde ntan ntiriven kanji fhuvara. Nka khuenj vuzvugi, nka nzuai buni, nde za nta ntiriven kanjirga, nza Bakim nza muungi tivi ga suanv nza suanga tugar, nde guigira nka suanv ndikndigirga, nka vhirira mba tivara muungip nde suanv ndikndigirga.

15-16 Gu guigira khuenj kothiga havhargiap khan suanji, gu fharav ziv nde gangip, nde thav Masedonia ngu bakime fhain ngirga. Gu Masedonia ngu bakime fhain kegip, gu ana thav, gu taagip nden han zirga. Gu mba tivar muungirga, Fhe Bakime wom phena titigip tivar vhuun nde muunga. Nde vhira nan kurarim, gu Zudia ngu bakime fhain ngirga. ¹⁷ Ee, ram muungi, nde ndikndigi, gu nde guiguigire? Ee, nde ndikndigi, gu fhura buni nzuav, wom nta domdora suav, kha nuiana gungi mbui tiva mbuav, khan nzuaire? Gu “Ahanj” nzuavra, vhemkora khan nzuaire “Fhuvara”? Zakira fhuvara! ¹⁸ Fhe Bakime, ana wo suanji buni, ana za nta zin vui. Mba tivara, gu guigira nde nzuai. Gu nde suanji buni, nta “Ahanj” gu “Fhuvara” ki fhu. Gu buni guarira suanji. ¹⁹ Gu Sairas gu Timotin kov, nza nden rigar kav, nza Fhe Bakime buna vhuuej bun nde suanji. Mba buna vhuuej ne Fhe Bakimen Kam Zisas Kraiss bun nzuai kamej ma. Nde kanji, Zisas Kraiss, “Ahanj” gum “Fhuvara” ndi ndii guma fhuvara. Zakira fhuvara! Kraiss, ana zazera “Ahanj” rigi guma ma. ²⁰ Fhe Bakime nza suanji kaa vhirvera kim, Kraiss maanj muungiap, zazera ana mba nza suanji kaavenj ga nzuav, ana zazera khan nzuai, “Ahanj.” Maanj muungiap, nza Fhe Bakime suanji bunin vhuuij mbararav, nza Kraiss zin panan, nza khan nzuai, “Guigi guarara.” Nza ne nzuav, nza Fhe Bakime zi ndi vun kuamkuagi. ²¹ Fhe Bakime nduara nzan havharav, nden havharim, nza Kraiss

phorgap havhargi. Ana vħira nzan wora mbuigi.
²² Ana won ruuŋ farav nza khingiap, won Njina
 Njaarar nza niinggi. Ana mba nzan niin za mbui
 bigir vhuuin panan, ana fharav anan nza niinggi.
 Nza anan Njina Naara ndigap, nza kaŋgi, nza guigira
 mba harigi bigi, nza vħira nta ndirga.

Por vhemkora Korinan vugi fhuvara.

²³ Na buni havhari guma Fhe Bakime, gu ana zin
 panan, gu guigira khaŋ nzuai, gu vhemkora Kori-
 nan zigirga fhuvara. Ne khaŋ muuŋgi, gu simtigar
 nden niin thagi. Nera khare. ²⁴ Nka nde gui-
 gira Zisas khotħigi ndikndigi gari fhuvara. Zakira
 fhuvara! Nde guigira Zisas khotħigi ndikndigi,
 nta thiga havhargi. Nza wari tigip ŋgariv, nden
 ndikndigirga.

2

¹ Gu zi fhuv, ne khaŋ muuŋgi. Gu ntige kha
 tugen wom nde han ziv, fhum simtigar nde niinggi
 tivar muuŋgip, wom simtigar nden niingen thagi.
² Gu nden muuŋgirim, nde ndavi simgirga, the kiv
 nan ndavar muuŋrim, gu ndikndigirie? Nde gu
 ndavar simtigar niinggi ntħiri, ndera mbar ki. ³ Nde
 nan muuŋrim, gu ndikndigirga gumgi gu mbigi
 ma. Maan muuŋgiap, gu nden han ziv, ndava
 simtik ndi thagi. Mba bigina nienra, gu fhum mba
 gava khergiap, nde ndi mbarigi. Gu kaŋgi, gu
 bigin then ndikndigirga, nde vħira za mba biginan
 ndikndigirga. ⁴ Gu guigira gava khergiap nde ndi

1:22 Ro 8.16-17; 2 Ko 5.5; Ef 1.13-14; 2 T 2.19; 1 Zo 2.27; VB 2.17

1:23 Ro 1.9; 2 Ko 11.31 **1:24** 1 Pi 5.3 **2:1** 1 Ko 4.21; 2 Ko
 12.21 **2:4** FG 20.31

mbarav, gu guigira nden kora mbuav, nan ndava vhee guigira simgim, gu nzi mbatiga muunji. Gu mba gava khergiap, gu ndav simtigar nden niin za muunji fhuvara. Zakira fhuvara! Gu mba gava khergi, nde kangirga, gu guigira nde vuzvugiap, gu won ndavar nde niinji.

Mbe Koriniŋ tiva mbatigenj muunji guma, mbe ana muunji tiva mbatigi vhezgip ne ndikndigi thari.

⁵ Maan muunjiap, guma the ndava simtigar harigi gumgi tharir niinji, ana ndava simtigar na ndi fhuvara. Zakira fhuvara! Gu mba khesharigi bigi, gu kama havharar buni vhirver nta suan thagi. Gu thav za khan nzuai, nde za mba bigen ga nzuav manen ndava simgi. ⁶ Mba bigen muunji guma, nde vhirve khan nzuai, “Ana kha vheza mbatiga ndirga.” Mba vhez ana tukti. ⁷ Maan muunjiap, nde ntigem harigi tivar muun. Nde ana muunji bigen vhezgip, ne ga ndikndigi thav, mbarara ana suanv, ndava mitigar ana niinri. Nde maan muunga fhuv, ndava simtiga bakime mba guma mbevarga. ⁸ Gu khan tigap nde nzuai, nde kha tivar taagi ana khiviri, nde wari wo ndavir ana niinjiap, ana vuzvugira ki. ⁹ Gu nden panin zav gu fhum mba gava khergiap nde ndi mbarigi. Gu khuen kangir zav, nde gu suanji buni, nde za nta zin vov bigi ga mbui o, fhu? ¹⁰ Nde maan muunjiap, guma the nde muunji tiva mbatigenj nde ne vhezgip, ne ndikndigi tharga, gu vhira mba guma muunji bigen ndikndik tharga. Maan muunjiap, gu simtik thuen kirga, gu nden kurkurar sanv, gu Krai niman mba simtigenj vhezgip, ne ga

ndikndigi tharga. ¹¹ Gu khan muungiap ne mbui, gu khuen rivgi, nza muunv kirim, Satan nza guigip nza kambara rivgi. Nza ana ndikndigi gum ana tivi, nza nta kanji.

Por Taitus gani za mbui.

¹² Gu zav Troas ngu bakimen higap Krai bun bua vhuen bun suan za mbuim, Fhe Bakime na nzuav tuav ga muungim, gu mba njaara muungi. ¹³ Gu mba njaara mbuav, na ndav nan mbirigim, gu ki fhuvara. Ne khan muungi, gu wo nguga Taitus gangi fhuvara. Gu maan muungiap Troas ngu bakime thav vov, Masedonia ngu bakime fhain vugi.

Fhe Bakime nkashkar panan Zisas farasegi 12 thigi njaara gumgi, mbe ntara mbuav, mbe mba phorga shogi ntiri, mbe mbe kambai.

¹⁴ Gu ntigem, Fhe Bakimen ndikndigap ana phorga nzuai. Gu khuen nzuav, ana zazera nzan kua ruav, won nkashkar za kha gumgi gu mbigi khivi, ana za kha bigi kambarav nkashka bakime ki. Ana vhira nzan kua ruim, nza Krai taagi nza ndir zav nza nzuav muungi njaara nkashka, nza ana bun nzuai. Nza mba tivar muunrim, kha gumgi gu mbigi Krai kangirga. Mbe ana kangirga, mba tiv, ana bigina vhuun ndiga fharar muungip, ana ndik biihiih, za ana ndiv, za mba bigir ngirim, mbe ana ndik gorirga.^a ¹⁵ Khuen guigi guarara, nza nduarira mba ndiga vhuun hi ruina fara muungi, mbe ana mpooim, ana ndik Krai ana ndigap Fhe

2:11 Ru 22.31 **2:12** FG 14.27; 1 Ko 16.9 **2:12** FG 20.1 **a 2:14**
 Kha nanen Grikar kaman kha bun tuituigiap higi fhuvara. **2:15**
 1 Ko 1.18; 2 Ko 4.3

Bakime ofa muungu. Ana Fhe Bakime ofa mbuim, ana ndik Hevenan tuavar ki gumgi phorav, vhira Herar tuavar ki gumgi phori. ¹⁶ Mba Herar tuavar ki gumgi, ana vhezgi ndiga hav mbe phorav mbe mbuim, mbe vhezgi. Mba Hevenan tuavar ki gumgi, ana zazera mbara muungiap ki ndiga fara muungiap, mbe phorav mbe mbuim, mbe zazera mbara muungia ki bññbññ ndi. The mba khesharigi ñaarar muungen tuktigi? ¹⁷ Nza mba Fhe Bakime buni vhuuin shiga mbui gumgir fara muungu fhuvara. Mbe fhura tamtam ruav, Fhe Bakime buni vhuuin, mbe ntan shiga mbui. Nza Fhe Bakime han mba ñaara ndigim, ana nza sarigi, nza fhura guiguigi fhuvara. Nza Krais phorgap ndava bavira kav, nza Fhe Bakime rimani niman, ana mba nza suangi bunin vhuuin, nza ntara bun nzuai.

3

Zisas farasegi ñaara gumgi, mbe Fhe Bakime nza phorga suangi kaman kamen ñaara gumgi ma.

¹ Ee, nza kha buni nzuai ne khan muungire? Nza wari wom wo ziri ndi vun kuamkuagire? Ee, nza gumgi mbari farar muungip harigi gumgi ga suangrim, mbe gavi kheriv, nde ndim maany, khan nde suangrie, nza gumgir vhuuin ma? Ee, nza ndera suangrim, nde nzan kurkurar sang maany muungu gavi kheririe? Zakira fhuvara! ² Nde nduarira nzan gavi fara muungiap ki. Ndera nzan tivi bun harigi gumgi ga suanga. Mba gavar ki

2:16 Ru 2.34; Zo 9.39; 1 Ko 15.10; 2 Ko 3.5-6; 1 Pi 2.7-8 **2:17** 2 Ko 1.12; 4.2; 11.13; 1 Pi 4.11; 2 Pi 2.3 **3:1** FG 18.27; Ro 16.1; 2 Ko 5.12 **3:2** 1 Ko 9.2

buni, nta nza ndavi vherir ki. Mba gumgi nzan tivi ganiv, mbe mba gavar ki buni ganinga. ³ Nde za kirara ki, nde Krai han kega zigi gava fara muungiap kirara ki. Nza mbui n̄aara panan Krai mba gava khergi. Ana gavi kheri fhigar, ana khergi fhuvara. Ana zazera mbara muungip ki Fhe Bakimen N̄ina N̄aarar ana khergi. Ana kima tin, ana khergi fhuvara. Zakira fhuvara! Ana gumgi gu mbigi ndavi vherir ana khergi.

⁴ Mba buna n̄ien̄ khan̄ muungi. Gu Kraisan panan, gu Fhe Bakime n̄iman khuen̄ khotigi, Fhe Bakime won n̄aarar muunrim, ana nzerarga.

⁵ Khuen̄ guigi guarara, nza nduarira kha n̄aarar muungirga tukti gi fhuvara. Maan̄ muungiap, nza khan̄ suanga tukti gi fhu, nza nduarira kha bigi ga mbui. Zakira fhuvara! Fhe Bakime nduara nza mbuim, nza mba n̄aarar muunga tukti gi. ⁶ Ana nduara nza muungim, nza mba ana nza phorga suangi kaman kameñ n̄aara gumgi kirga. Mba kaman kameñ, mbe ne khergi fhuvara. Zakira fhuvara! Ana Fhe Bakimen N̄ina N̄aara bigin ma. Fhe Bakime kiman khergiap Moses ga n̄in̄gi tivi, nta gumgi shogim, mbe v̄hizi. Fhe Bakimen N̄ina N̄aar, ana zazera mbara muungiap ki b̄in̄b̄in̄ gumgi ga nd̄ii.

⁷ Nde ndikndigi. Fhe Bakime mba muungi n̄aar, ana mba n̄aara mbuav, mba tivir Moses ga n̄in̄gi. Mba tivi rimrim ndi hian̄ t̄igim, gumgi gu mbigi v̄hizi. Mba tivi Fhe Bakimen v̄hava n̄aara

3:3 Kis 24.12; Jer 31.33; Ese 11.19; 36.26; 1 Ko 3.5; Hi 8.10 **3:4** 2 Ko 2.16 **3:5** Zo 15.5; 1 Ko 15.10; Fi 2.13 **3:6** Jer 31.31; Zo 6.63; Ro 7.6; 1 Ko 11.25; Ga 3.10; Ef 3.7; Kor 1.25; Hi 8.6-8 **3:7** Kis 34.1; 34.28-30; Lo 10.1; Ro 7.10

bakime phorga zigi. Fhe Bakime mba tivi, ana ntan kima mparaven khergiap Moses ga ndiv, ana vhira won vhava naara bakime phorgap Moses ga niingi. Maanj muungiap, Moses fharav vov Isrerin him, ana khom guigira ngarav vhava naara bakime fara muungim, Isrerin ana khoma ganingen mbovaragi. Mba vhavar naar zumgum ana khoma thagi. ⁸ Fhe Bakime Nina Naarar muungi naar, ana guigira mba ana won tivir Moses ga niingi naara kamarigi. Ana mba muungi naar, ana vhava naara bakime gum ana nkasnka, ni guigira kivgip, mba naarar kirga. ⁹ Mba Moses suangi tivi mbui naar, nta nza mbui tivi ga nzuav nza nzuav, khan nza nzuai, nza fhirigirigip, ngu mbatigar ngegirga. Mba naar maanj muungip, Fhe Bakimen vhava naara bakime phorgip hirga, Fhe Bakime niman tivir vhuiajan mbui gumgi gu mbigi ki naar, ana guigira Fhe Bakimen vhava naara baki guarara phorgip hirga. ¹⁰ Fhe Bakimen vhava naara bakime gum ana nkasnka, ni guigira kivgiap, ana mba muungi naara kaman ki. Ni guigira, ana mba muungi naara vurar vhava naara kamarigi. Maanj muungiap, nza ntigem garim, mba naara vurar vhava naar bakime, ana za vhezgi fara muungi. ¹¹ Mba naara vur, ana Fhe Bakimen vhava naara bakime phorga zigi, ana zazera mbara muungip kegirga tukti fhuvara. Zakira fhuvara! Ana vhezgirga. Maanj muungiap, nza kanji, mba naarar kam, ana zazera mbara muungip kirga. Maanj muungiap, ana phorga zigi Fhe Bakimen vhava naara baki, ana Fhe Bakimen vhava naara baki vur, ana guigi

guarara kambarigi.

¹² Maan muunjiap, nza khan tiga havhargiap, guigira mba vhava naara kothigap, ana rargap ki. Ana khan tigip havhargip nzan kiv, zazera mbara muungip kirga. Maan muunjiap, nza rivi fhu. Zakira fhuvara! Nza maan muunjiap, nza tuituigira ana buna vhuuej bun nzuai. ¹³ Nza Moses muunji tiva muunji fhuvara. Moses, ana Fhe Bakimen vhavar naara bakime ana khoman vhazi, ana mbaram, shaa figen ndigap, won khoma vharigi. Moses Isrerin ana khoma ganinga, mba vhava naara bakime vizirgen thagi.

¹⁴ Maan muunjiap, mbe Isrerin, Fhe Bakime mbe muungim, mbe ndikndigi thanen mba bigir sagi fhu. Maan muunjiap, mbe zazera Fhe Bakime Moses ga niingi tivi vuri gari. Mbe maan muunjiap, mbe mba mbararagi buni, mbe nta ntiriven kanji fhuvara. Mbe mba Moses won khoma ndogi shaa figen fara muunji bigin, mbe ndikndigir kav, mbe ndikndigi mpirigi. Mben guma the mba shaa figen fara muunji bigina daangirga fhuvara. Zakira fhuvara! Krai nduara mba shaa figen daangi.

¹⁵ Mbe zazera mba Moses suangi tivi, mbe nta garav, mba shaa figen fara muunji bigin zazera mben ndikndigi mpira zav, ntigem kha tugen higi. ¹⁶ Mbe maan muungia kav, guma ana ndav dorgap, Guma Bakime zin vuim, Fhe Bakime ana tin mba ana ndikndik mpirigi shaa figen fara muunji bigina daangi. ¹⁷ Gu Guma Bakime nzuai

3:12 2 Ko 7.4; Ef 6.19 **3:13** Kis 34.33-35; Ro 10.4; Ga 3.23 **3:14** Ais 6.10; Zo 12.40; FG 28.26-27; Ro 11.7-8; 11.25 **3:16** Kis 34.34; Ais 25.7; Ro 11.23; 11.26 **3:17** Zo 8.32; 8.36; Ro 8.2; 1 Ko 15.45; 2 Ko 3.6; Ga 5.1

kamen, ne khañ muunji. Gu Fhe Bakimen Njina Njaara nzuai. Maan muungip, Guma Bakimen Njina guma the phorgip kirga, bigina the mba guma tuav mpirarga tuktigi fhuvara. Zakira fhuvara! Ana guigira bikbigip kirga. ¹⁸ Nza zam bigina the nza nkoo vhagi fhuvara. Maan muungip, Guma Bakimen vhava njaara bakime nza shirigim, nza wari wo nkoo gari mininjina fara muungim, mba vhava njaara ana shigim, ana harigi gumgi nkoo ga vhekvhegi. Nza zazera mba vhava njaara ndim, mba vhava njaara nza muungim, nza Guma Bakimera fara muunji. Guma Bakime, ana Njina ma, ana maan muungiap mba tiva mbui.

4

Zisas farasarigi 12 thigi njaara gumgi, mbe nuianan muunji ndari fara muunji.

¹ Fhe Bakime nzan kora muungiap, kha njaara nzan niingim, nza ana muungen vhukvhugi fhuvara. Zakira fhuvara! ² Nza mba gumgi zomzora mbui tivi mbatigi, nza kir nta segi. Nza guiguigi tivi zin vui fhu. Nza vhira Fhe Bakimen buna vhuueñ, nza ne domdora sui fhu. Zakira fhuvara! Nza Fhe Bakime niman buni guarira nzuai. Mba gumgi gu mbigi nzan tivi ganiv, Fhe Bakime kothigip, khañ suanga, mbe guigira Fhe Bakimen buni guarira nzuai. ³ Maan muungip gumgi thari nza kha bun nzuai buna vhuueñ niñen kanji fhu, mba gumgi, mbe Herar veri tuavar ki ntiri ma.

3:18 Kis 16.7; 24.17; Ro 8.29; 1 Ko 13.12; 15.49; 1 T 1.11 **4:1** 2 Ko 3.6; 1 T 1.13 **4:2** 1 Ko 1.18; 2 Ko 2.17; 6.4; 6.7; 1 Te 2.3-5 **4:3** 1 Ko 1.18; 2 Ko 2.15; 2 Te 2.10

⁴ Satan, ana kha nuiana gari guma ma. Ana mba gumgi muungim, mbe ndikndigir mpirigim, mbe ginginan ki. Mbe Fhe Bakime buna vhuueŋ khotigi fhu. Maan muungiap, Fhe Bakime buna vhuueŋ vhavar ŋaar gum Kraisan vhava ŋaar baki mben ndavi vherir ŋgirgirga tuktiŋi fhuvara. Maan muungiap, mbe Kraiŋ garav, khueŋ ndikndigi fhuvara, ana Fhe Baki guarara fara muunggi.

⁵ Nde mbarara, nza wari wo ziri ndi vun kuamkuar zav Fhe Bakimen buna vhuueŋ bun nzuai fhuvara. Zakira fhuvara! Nza nzuai kamenŋ khare, “Krais Zisas, ana za kha bigi gari Guma Bakime ma. Nza ana suanŋi kamenŋ zin vov, nza ana nzuav nden ŋaara gumgi ki.” ⁶ Fhe Bakime fhum guarara suanŋi, ana khaŋ nzuai, “Ginginan vhen vhavar ŋaar shirarga.” Mba Fhe Bakimen vhava ŋaarara, ana nza ndavi vherir kav, guigira khaŋ tigap nta shirigi. Ana maan mbuav, nza guigira Zisas Kraiŋ khomara garav, nza vhiŋa vhava ŋaara guara garav, nza kaŋgi, ana Fhe Bakimen vhava ŋaara bakime ma.

⁷ Nza ana kaŋgiap, nza kaŋgi, ana guigira bigina vhuuŋ guarara fara muunggi. Mba bigina vhuuŋ, nza Zisas farasarigi 12 thiŋi ŋaara gumgi, mba bigin nzan vhen ki. Nza nuianan muunggi ndari fara muungim, Fhe Bakime won ŋkiiŋa gum bigir vhuuin nzan ndavir vheri ga vhuigim, nta givigi fara muungiap nzan ki. Nta nzan kav kirar him,

4:4 Zo 1.18; 12.31; 12.45; 2 Ko 4.4; Ef 2.2; Fi 2.6; Kor 1.15; Hi 1.3

4:5 1 Ko 1.9; 1.13; 1.19; 1.23; 2 Ko 1.24 **4:6** Stt 1.3; Ais 9.2; 2 Ko 3.18; 1 Pi 2.9; 2 Pi 1.19 **4:7** 1 Ko 2.5; 2 Ko 5.1; 12.9

mbe mba nkasnjka bakime garav, mbe kanji, ana guigira Fhe Bakime nkasnjka bakime ma, ana nzan nkasnjka fhuvara. ⁸ Kha njani zam, mbe mbarkirga simtigir nza ndiii. Mba simtigi, zam nzan nkasnjka vhezgi fhuvara. Bigi vhirve nza ndikndigi ngim, nza ndikndigi pham vui. Nta zam nzan ndikndigir farfagi fhuvara. ⁹ Gumgi vhirra tivi mbatigir nza mbui, Fhe Bakime nza thagi fhuvara. Mbe nza shogim, nza ri, mbe za nzan farfagi fhuvara. ¹⁰ Nza fhura wari wo fhavi garim, mba gumgi gu mbigi zazera Zisas rimgi tiva gari. Maan muungiap, Zيسان kiri tivi, nta vhirra nzan fhavir kav kirar hi. ¹¹ Nza Zيسان njara mbuim, maan muungiap, nza kha nuianan kim, kha gumgi nza shogirim, nza vhezir za mbui. Maan muungiap Zيسان kiri tivi, nta vhirra nzan vhezir fhavir kav kirar hi. ¹² Maan muungiap, vhezir tiv, ana nza Zisas farasarigi 12 thigi njara gumgi, ana nzan vhen won njara mbuim, zazera mbara muungiap ki biinjbiinj, ana nden higap, ana nden ngari.

¹³ Nza Zisas kothigap, maan muungiap, nza Fhe Bakimen buni vhuinj ki gap suangi kamenj, nza ne zin vui. Mba kamenj khanj nzuai, “Gu Fhe Bakime kothigap, gu maan muungiap ne bun nzuai.” Nza vhirra ne kothigap, nza vhirra ne bun nzuai. ¹⁴ Nza khuenj kanji, Fhe Bakime Guma Bakime Zisas, ana taagia ana khavgi. Nza vhirra Zisas phorgi, ana vhirra nza khavgirga. Ana nza ndiv, vhirra nde ndigip, nza wari tigip ngip, ana han kirga. ¹⁵ Gu

4:8 2 Ko 1.8; 7.5 **4:10** Ro 8.17; 1 Ko 15.31; Fi 3.10; 1 Pi 4.13

4:11 Ro 8.36; 1 Ko 15.31; 15.49 **4:13** Sng 116.10; Ro 1.12; 2 Pi

1.1 **4:14** Ro 8.11; 1 Ko 6.14 **4:15** 1 Ko 3.21; 2 Ko 1.3-6; Kor

1.24; 2 T 2.10

khan nzuai, ne khan muunġi. Gu kanġi, khar nzan hi bigi, nza nden kurkurar zav, mba bigi nzan hi. Mba tiv, Fhe Bakime fhura kora muunġi korar muumbar, ana gumġi gu mbigir vhirvera hi. Mba gumġi gu mbigi, mbe ne suanv khan tigip kivgi, Fhe Bakimen ndikndigip ana zi ndiv vun kuamkuari.

Zisas faraseġi 12 thiġi njaara gumġi, mbe guigira ana khotġigap nkasnka ndi.

¹⁶ Nza Fhe Bakime muunġi njaara vhuuan ndikndigap, nza ana njaarak muungen vhukvhugi fhuvara. Nzan fhavi guigira mbariġi za mbui. Nza ndavi, nta rari tugiratigap wom nkasnka ndiav ndikndigi. ¹⁷ Nza ndikndigi, ne khan muunġi. Nza kanġi, nza mba ndi simtigi gu zaagi, ntan zaa kivgi fhuvara. Nta vhira tuga tivanenra kegirga. Nta nzan kurarga, nza Hevenan guigira mpirmpirigar vhuun muunġip, nza zazera mbara muunġip kirga. Nza khar ndi zaagi bisarire gum simtigire, nta nzan muunġirim, nza guigi guarara mpirmpiriga vhuunra muunġip, zazera mbara muunġip kirga. Nza vhira kanġi, nza mba ndirga bigir vhuuin, nta zazera mbara muunġip kirga, nta vhira guigi guarara mba simtigi gu zaagi kambarigi. ¹⁸ Nza kha rimanin gari bigi, nza nta nzuav gari fhuvara. Zakira fhuvara! Nza mba rimanin gari fhuv bigi, nza nta nzuav khan tiga havhargiap, nta nzuav gari. Ne khan muunġi. Nza kha rimanin gari bigi, nta tuga tivanenra kegirga. Nza wari wo rimgir

4:16 Ro 7.22; Ef 3.16; Kor 3.10; 1 Pi 3.4 **4:17** Mt 5.12; Ro 8.17-18; 1 Pi 1.6 **4:18** Ro 8.24; 2 Ko 5.7; Kor 1.16; Hi 11.1-3

gari fhuv bigir vhuuin, nta zazera mbara muungip kirga.

5

¹ Nza khuen kanji, nza ntige kha nuianan ki fhavi, nta sher phena fara muungip. Nta maan muungip mbatigirga, Fhe Bakime vhira harigi phena nza ndii farar muungip harigi fhavir nzan niingirga. Mba fhavi, nta guma wo farve suirav muungip phena fara muungip fhuvara. Mba fhavi, nta Hevenan ki phen fara muungip fhavi ma, nta zazera mbara muungip kirga.^a ² Nza ntigem kha ki phenan fara muungip fhavi kav, nza nziav ki. Nza nziav, nza Hevenan ki phena fara muungip fhavi, nza guigira nta ndirgane vuzvugi. Nza nta ndigirga, nta shaa vharigi mbugum nza vhararga. ³ Nza nta ndigirga tugar, nza mbugara ki farar muungirga fhu. Nza Hevenan ki fhavi ndigap, nza shagi shari mbugum nta shargi. ⁴ Nza kha nuianan sher phena fara muungip fhavi, nza nta khiga kav, nza simtigi ndiav wari nziav ki. Nza ntige khar ki fhavi vuri thamthar za mbui fhuvara. Zakira fhuvara! Nza guigira fhavi nkaa ndirgen vuzvugi. Nza shagi shari farar muungip nta shargirga. Mba riv vhizi fhavi, Fhe Bakime nta kurarga, nta zazera mbara muungiap ki biinbiin ndigirga. ⁵ Fhe Bakime, ana nduara mba zazera mbara muungiap ki kiri tiva ndir zav nza

5:1 2 Ko 4.7; 2 Pi 1.13-14 **a** **5:1** Kha “nuianan ki sher phen,” ana nza kha nuianan khiga ki fhavi ga nzuai kamej ma. Ana nza kha ki fhavi vhunama si kamej ma. “Mba harigi pheni” nta nza Hevenan ndirga fhavi, ana nta nzuai. **5:2** Ro 8.23 **5:4** 1 Ko 15.53-54
5:5 Ro 8.16; 8.23; 2 Ko 1.22; Ef 1.14; 2.10

bevahegi. Ana nduara won Njina Njaarar nza niingi. Fhe Bakimen Njina Njaar, ana Fhe Bakime mba nzan niin zav mbui bigir vhuuin pana kharav fharigi biginan vhuun ma. Maan muungiap, nza Fhe Bakimen Njina Njaar ndigi, nza kanji, nza guigi guarara mba harigi bigi, nza vhira nta ndigirga.

⁶ Nza ne ndikndigim, ne zazera nzan ndavi havhari. Nza kanji, nza kha fhavi khiga kav, nza Guma Bakime phorgap ana ngun ki fhuvara. ⁷ Nza ntigem kha gari bigi, nza nta kothigap, nza rui fhuvara. Nza guigira ana kamen kothigap, nza rui. ⁸ Gu suangi, nza ndavi havhargiap, wari ki. Nza kav, nza guigira khuen vuzvugi. Nza kha fhava thav, nza ngip, Guma Bakime phorgip ana ki ngun kirga, ana guigira nzan ngu guar ma. ⁹ Nza kha nuianan ki o, nza Hevenan ki, nza zazera Guma Bakime muungen nza vuzvugi tivi, nza khan tiga havhargiap ntan muungen ndikndigi. ¹⁰ Ne khan muungi. Nza za kanji, nza zam Krai nima thivgirim, ana nza kha nuianan ki fhavi khiga kav muungi tivi ga suanv nza suanv suangirga. Nza ntigem nam kiv, nza tivir vhuuin muungirga o, nza tivi mbatigir muungirga. Nza zam, nza mba muungi tivi, nza bevbevira ntan vheza ndigirga.

Nza harigi gumgir kurkurarim, mbe Fhe Bakime phorgiv ndava bavira kirga njaar ki.

¹¹ Nza Guma Bakime kangiap, anan rivine, ne tivar vhuun ma. Nza maan muungiap, ana piin ki.

5:6 Hi 11.13-16 **5:7** Ro 8.24-25; 1 Ko 13.12; 2 Ko 4.18; Hi 11.1
5:8 Fi 1.23 **5:9** Kor 1.10; 1 Te 4.1 **5:10** Sav 12.14; Ro 2.16;
 14.10; Ga 6.7; Kor 3.24-25; VB 22.12 **5:11** 2 Ko 4.2; Hi 10.31; Zu
 1.23

Nza maan muunjiap, nza harigi gumgi ndikndigi khavi, mbe vhira ana kothigirga. Nza mba njaara mbuav, nza tivi mbatigi zin vov mba njaara mbui fhuvara. Zakira fhuvara! Fhe Bakime za nzan ndikndigi gum nzan tivi kanji. Maan muunjiap, gu khuenj kothigi, nden ndavi vherir, nde vhira khuenj kanji, nza njaara vhuunra mbui. ¹² Nza kha bunin taagip nde suanrim, nde kha ndikndigar nzan muunga, nza gumgir vhuuin ma. Zakira fhuvara! Gumgi mbari, mbe fhura gumgir zirir ndikndigi. Mbe mba gumgir ndavi vherir kav hi tivi, mbe nta ndikndigap ndikndigi fhu. Nde nza mbui tivi ndikndigir zav, nza kha buni khergiap nde ndi mbai. Nde ntigem mbe nzuai buni ngarkarav mbe suanga. ¹³ Maan muunjiap, nza nzuai buni gum, nzan tivi nanjangi gumgi nzuai buni gum tivi fara muunji, ne mbara muunji, nza Fhe Bakimen njaara mbui. Nza ndikndigi vhuunra muunga, ne nzerara, nza nden kurkurar zav maan mbui. ¹⁴ Krai won ndavar nza ningim, mba ndikndik nza garav, nza khavim, nza ngari. Nza khuenj kanji, guma bavira, ana za nzan njana ndigap ringim, nza mba tuavara, nza za ringi. ¹⁵ Mba guma, ana ntige nza khar ki gumgi, ana nzan kurkurar zav, ana mba tiva muunji. Maan muunjiap, nza ntigem kha ndikndigar muunga fhu. Nza nduarira khar ka rui, nza wari won vuzvuga zin ngirga. Zakira fhuvara! Nza mba nzan njana ndigap, ringiap, taagia khavgi guma, nza ana ndikndigirga. Nza ana ndikndigip, ana vuzvugar rurga.

5:12 2 Ko 1.14; 3.1 **5:14** Ro 5.15 **5:15** Ro 14.7-8; 1 Ko 6.19; Ga 2.20; 1 Te 5.10; 1 T 2.6; 1 Pi 4.2

¹⁶ Maan muunjiap, nza ntigem nza ndava vura ndikndigi zin vov, nza harigi gumgir tivi garav nta nzuai fhuvara. Nza fhum guigira, nza ndava vura tivi ga ndikndigap, nza Kraisan tivi garav, nta suangi. Nza ntigem mba tiva zin vuav, wom ana tivi ga nzuav ana garav ana nzuai fhuvara. ¹⁷ Maan muungip, guma the Krai phorgip havhar-girga, Fhe Bakime mba guman muungirga, ana won ndava vura tivi thav, ana guman kama gegap, ana Fhe Bakimen tivi zin ngirga. Nde tuituigip khuen mbararari. Ntigem, ndava vura tivi za vhezgim, nza Fhe Bakime tivi zin vui.

¹⁸ Fhe Bakime, ana nduara mba bigir nza mbuim, nta nzan hi. Nza fhum, ana pana gumgi kim, ana Kraisan panan, ana nza muungim, nza ana phorgap ndava bavira kim, ana kha njaarak nza niingi. Nza ana kurav, ana pana gumgi ga suanjim, mbe ana phorgip ndava bavira kirga. ¹⁹ Nza nzuai buni khare. Fhe Bakime, ana Krai phorga kav, mba gumgi ga mbuim, mbe panan ana ki thav, ana phorgap ndava bavira ki. Ana mbe muungi tivi mbatigi, ana wom nta ndikndigirga fhu. Ana mba njaarak muunv won pana gumgi phorgi suanga buni, ana ntan nza suangi. Nza mba bunin mbe suanga, mbe ana phorgip ndava bavira kirga. ²⁰ Maan muunjiap, nza Krai kamthoon ndigap, ana buni bun nzuai. Ne khan muungi, Fhe Bakime nduara nzan kaathoorin mba gumgir kaai. Nza khan tigap Krai bunenra bun mba gumgi ga

5:16 Zo 6.63; 15.14; Fi 3.7-8; Kor 3.11 **5:17** Ais 43.18; Ro 8.1; 8.9-10; Ga 5.6; 6.15; Ef 2.15; VB 21.5 **5:18** Ro 5.10; Ef 2.16; Kor 1.20; 1 Zo 2.2 **5:19** Ro 3.23-25; Kor 1.19-20 **5:20** 2 Ko 3.6; 6.1; Ef 6.20

nzuav khaṅ nzuai, “Nde panan Fhe Bakime ki tiva thav, ana phorgip ndava bavira kiri.” ²¹ Kraiṣ, ana guigira tiva mbatik thueṅ muuṅgi fhuvara. Zakira fhuvara! Fhe Bakime nzan kurkurar zav, ana nza muuṅgi tivi mbatigi, ana za nta ndiav, ana kirar mbarigim, Kraiṣ ana guigira tivi mbatigi ga mbui guman fara muuṅgi. Fhe Bakime maan muuṅgirim, nza Kraiṣ phorgip kiv, nza ana ṅkaṣṅkar panan, nza Fhe Bakimen tivir vhuuiṅ mbui gumgi gu mbigir kirga.

6

Kraiṣ farasarigi 12 thigi ṅaara gumgi, mbe won ṅaara mbuav, mbe simtigi vhirve ndi.

¹ Nza Fhe Bakime phorgap ṅgarav, nza khaṅ tiga havhargiap khaṅ nde nzuai, “Nde Fhe Bakimen fhura kora mbui kora muumbara ndigi. Nde muuṅv kiv fhura anan kora muumbara kuegirga.”

² Fhe Bakime khaṅ nzuai, “Gu tivar vhuun nden muunga tuga sarav, gu nden nzi mbararagiap, gu vhira mba taagiap nde ndigirga tugara, gu nden kurigi.” Nde mbarara! Ntigeria, nde ntigeria Fhe Bakime tivar vhuuṅ ndirga tuk ma. Ntigeria Fhe Bakime vhira taagi nde ndirga tuk ma.

³ Nza gumgi thari buni mbatigir nzan ṅaara suangeṅ, nza ne vuzvugi fhu. Maan muuṅgiap, nza gumgi suira sirim, mbe rirga tivi, nza nta muunga fhu. Zakira fhuvara! ⁴ Nza Fhe Bakimen

5:21 Ais 53.6-12; Zo 8.46; Ro 5.19; 1 Ko 1.30; Ga 3.13; Fi 3.9; Hi 4.14-15; 1 Pi 2.22-24; 1 Zo 3.5 **6:1** 1 Ko 3.9; 2 Ko 5.20; Hi 12.15

6:2 Ais 49.8; Ru 4.19-21 **6:3** Ro 14.13; 1 Ko 9.12; 10.32 **6:4** 2 Ko 4.2

ñaara gumgi ki. Nza maan̄ muun̄giap, nza zazera wari won tivar vhuun kha gumgi gu mbigi khivi. Nza mbarkirga simtigi nzan him, nza thivgia havhargiap, vhira tiva mbatigar nza mbui bigi, simtigiir nza ndīi bigi, vhira nzan farfagi bigi, nta nzan him, nza vhira thivgia havhargi. ⁵ Mbe vhira nza shogap, nza ndi bina sui. Nzan pana gumgi vhira nzan bina vhuav, ngarn̄gara mbatigar nza mbuav, nza shogir za mbui. Nza guigira ñaara mbatiga mbui. Nza ñkuur vhuuan̄ mbui fhu, nza vhira kav thir vhizi. ⁶ Nza tivir ñaarira mbuav, nza Fhe Bakime nza ndīi ndiknd̄igir vhuuin̄ra suirigi. Nza vhemkora ndav shiav vhegi fhuvara. Zakira fhuvara! Nza tivar vhuun̄ra gumgi gu mbigi ga mbui. Nza Fhe Bakimen Ñina Ñaara ñkas̄ka ndi. Nza vhira guigira wari won ndavir gumgi ga ndīi tiv, nza guigira mba tiva mbui. Nza vhira kamthoon̄ra mba tiva bun nzuai fhuvara. ⁷ Nza guigira buni guarira bun nzuav, nza Fhe Bakime ñkas̄kar panan ngari. Nza tivar vhuun̄, nza ntari ga mbui bigina suigi fara muun̄giap, ana wari won guva haren ana suirav, vhira anan wari won ñkin haren ana suirigi. Nza ana suirav, Fhe Bakimen ñaara mbuav, Fhe Bakimen ñaara nzuav shogi.

⁸ Gumgi mbari, mbe nza ziri ndiv vun kuamkuagi. Mbe mbari nza ziri mbevi. Mbe mbari, mbe nza zin mbav bunin nza nzuaim, mbe mbari, mbe harigi nt̄iri phorga nzuav, khañ mbe nzuai, nza tivir vhuuan̄ mbui. Mbe gumgi mbari, kha ndiknd̄iga mbui, nza bigi guiguigi gumgi ma. Mbe mba ndiknd̄iga mbui, nza maan̄ mbui

6:5 FG 16.23; 2 Ko 11.23-27
10.4; Ef 6.11-13; 2 T 4.7

6:6 1 T 4.12

6:7 1 Ko 2.4; 2 Ko

fhuvara. Nza guigira buni guarira nzuai. ⁹ Mbe nza Zisas farasarigi n̄aara gumgi, mbe nzan kakagi gumgir fara muun̄gi. Nza kaŋgi, mbe gumgir vhirvera, mbe nza Zisas farasarigi n̄aara gumgi, mbe nza kaŋgi. Nza v̄hizir zav mbui gumgir fara muun̄gi. Nza v̄hizgi fhuvara, nza khar ki. Mbe simtigi gu zaagir nza nd̄iim, nza v̄hizgir zav mbuav, nza v̄hizgi fhuvara. ¹⁰ Nza khan̄ muun̄giap ki. Nza zazera ndava simtik phorga ki. Nza maan̄ muun̄giap kav, nza kha nd̄iknd̄iga mbui, ne mbara muun̄. Nza mba nd̄iknd̄iga mbuav, nza zazera nd̄iknd̄igi. Nza guigira bigi sosuagi gumgi ki fara muun̄giap wari ki. Ne mbara muun̄. Nza harigi gumgir kurkurigim, mbe bigi v̄hirve ndi fara muun̄gi. Nza bigi thari ki fhuv gumgir fara muun̄gi. Nza za mba bigi ki.

¹¹ Nde Koriniŋ, nza guigira thuga phirgiap, nde suan̄gi. Nza guigira khan̄ tigap wari won ndavir nde niŋgi. ¹² Nza nde nzuav ndavi mpirigi fhuvara. Zakira fhuvara! Nza guigira nde vuzvugiap, wari won ndavir nde niŋgi. Nde nduarira wari won ndavi havhargiap, nza wari tigap ndava bavira ki fhuvara. ¹³ Gu ntigem ndia won tari ga nzuai suambarar nde mbui. Nde ntigem, nza nde mbui tivara, nzan muun̄ri. Nde guigira za wari won ndavir za nzan niŋgiri.

Nza Fhe Bakime Phena fara muun̄giap wari ki.

¹⁴ Mba Fhe Bakime zin panan ruagi fhuv gumgi gu mbigi, mbe harigi khesharigi. Nde mbe

6:9 Sng 118.18; 1 Ko 4.9; 2 Ko 4.2; 4.9-10 **6:10** 2 Ko 7.4; Fi 2.17; Kor 1.24 **6:13** 1 Ko 4.14 **6:14** Lo 7.2-3; 1 Sml 5.2-3; 1 Ko 5.9; Ef 5.7; 5.11

phorgip ki thari. Maan muungip, ram muungip tivar vhuun gum Fhe Bakime suangi tivi daasui tiv, mani wani phorgip ngaririe? Maan muungip, ram muungip vhava naar gum gingin wani tigip kegirie? ¹⁵ Ee, Krai Satan phorgap, mani ndava bavira kire? Ee, Krai kothigi guma, Krai kothigi fhuv guma, mani ndikndigani mba farara muungirie? ¹⁶ Nza ram muungip Fhe Bakimen Phen ndiv mbarivi gu tori phen phorgirie? Nde nduarira khuen kangi, nza nduarira mbara muungiap ki Fhe Bakimen Phen ma. Fhe Bakime fhum mba kamen suangi. Ana khan nzuai, “Gu mbe phorgi kiv, mbe rigar kiv, mbe phorgip rurga. Gu vhira mben Fhe Bakime kirga, mbe nan gumgi gu mbigi kirga.” ¹⁷ Maan muungiap, Guma Bakime wom nzuav khan nzuai, “ ‘Nde mbe han ngip, mbe phorgi ru thari. Nde kiv, tuituigira wari ganiri. Nde na niman nzanzanzi tuavir ngi thari. Gu nduara nde ndi guma ma. Nde maan muunga, gu nde ndigirga. ¹⁸ Gu nde ndigip, gu nden ndia kirga, nde nan nkaa gu nkaar mbigi kirga.’ Guma Bakime, ana za mba nkasnkagi ki Fhe Bakime ma, ana maan nzuai.”

7

¹ Nde na phorgap guigira Zisas kothigi gumgi, nza Fhe Bakime nza suangi bigi, ana nta nza muungi. Maan muungiap, nza mba nzan fhavi gu ntuu ga mbuim, nta Fhe Bakime niman nzan nzaizi tivi mbatigi, nza nta tharga. Nza kiv riviv, guigira

6:16 Wkp 26.12; Ese 37.27; 1 Ko 3.16; 6.19 **6:17** Ais 52.11; Ese 20.34; 2 Ko 7.1; VB 18.4 **6:18** 2 Sml 7.14; 1 Sto 17.13; Ais 43.6; Jer 31.9; VB 1.8; 21.7 **7:1** 2 Ko 6.17-18; 1 Zo 3.3

Fhe Bakime piin kiv, guigira za warir ana niŋv, zazera tivir ŋaarira zin ŋgira.

Mbe Koriniŋ, mbe ndavi domdorgim, Por guigira nen ndikndigi.

² Nde wari won ndavir nzan niŋgiri. Nza tiva mbatiga thuen guma the muŋgi fhuvara. Nza vhira guma then farfagi fhuvara. Nza vhira guma the guigap, ana tin ana bigin the ndigi fhuvara.

³ Gu kha bunin nde sirgen vuzvugiap, kha buni nzuai fhuvara. Zakira fhuvara! Gu fhum ne suangi, nza guigira wari won ndavir nde niŋgi. Nza nde vuzvugira ki. Nza vhezgi o, nza ŋamra ki, nza nde vuzvugira ki. ⁴ Gu kaŋgi, gu guigira khar nde nzuai. Gu bigin thuen nde vhagirga tuktiŋgi fhuvara. Gu guigira nde nzuav ndikndigap, nan ndav guigira havhargim, gu ki. Mba nzan hi simtiŋgi, nta mbar hi, gu zazera nde ndikndigara ki. Gu nde ndikndigap, mba ndikndik na mbuim, ndikndik guigira na ndava vhee givigi.

⁵ Nza vov, Masedonian ki tugen, nza thanen vhuksuegi fhuvara. Zakira fhuvara! Nza maan kim, mbarkirga simtiŋgi zazera nzan hi. Nza kim, gumgi nza phorga vhegap, nza phorga nzuav nza daai. Nza ŋgava mbatiga muŋgiap, mbarkirga ndikndigi nzan him, nza rivgi. ⁶ Fhe Bakime ndavi simgi gumgi gu mbigi, ana mbe ndavi ga mbuim, mbe ndavi mbrigi. Ana maan muŋgiap Taitus ga sarigim, ana nza han zigi. Ana maan nza muŋgim, nza ndavi havhargi. ⁷ Fhe Bakime mba

7:2 FG 20.33; 2 Ko 12.17

7:3 2 Ko 6.11-12

7:5 2 Ko 2.13

7:6 2 Ko 1.3-4; 2.13

tuavra nzan ndavi havhari fhuvara. Zakira fhuvara! Nde fharav Taitus ndava havhargim, ana nde ana muunji ne bun nza suanji. Mba tivara, Fhe Bakime vhira nzan ndavi havhargi. Taitus zav, khañ nza suanji, nde guigira na ganingen nzuav vuzvuk bakime ki. Nde vhira wari wo muunji bigi, nde guigira nta kora muunjiap, nde guigira na phorgip ndava bavira kirga ndikndik guigira nden kivgi. Maan muunjiap, gu guigira ne nzuav ndikndiga mbatiga mbui.

⁸ Gu kanji, gu khergi gap nde muunjim, nde ndavi simgi. Gu ne nzuav pim nden kora mbui fhuvara. Gu guigira fhum nden kora muunji, ntige fhuvara. Gu kanji, mba gap, ana tuga tivanenra ndava simtigar nde ndiiv, nde muunjim, nde mbergi. ⁹ Gu ntigem ndikndigi. Gu nden higi ndava simtiga nzuav ndikndigi fhuvara. Zakira fhuvara! Gu mba ndava simtik gum memir nden higap, nde muunjim, nde ndavi domdorgi, gu ne nzuav guigira ndikndigi. Gu kanji, Fhe Bakime, ana nduara mba ndava simtik gum memirar nde niingi. Maan muunjiap, nza suanji buni, nta thanen nden ndikndigir farfagi fhu. Zakira fhuvara! ¹⁰ Fhe Bakime ndiini simtigi gum memiri, nta nza gumgi nza mbuim, nza ndavi domdori. Nza mba tiva mbuim, Fhe Bakime taagia nza ndi. Maan muunjiap, nza ndavi dorgine suany warir korar muunji thari. Kha tivani, ndava simtik gum memir, mani kha nuiana gumgir tivi zin vui gumgir hi. Fhe Bakime mba tivani ga mbuim, ni mben hi fhuvara. Mba tivani, kha nuianan

7:8 2 Ko 2.4

7:10 2 Sml 12.13; Snd 17.22; Mt 26.75; 27.3-5; Hi 12.16-17

tivani ma. Mani vhiizi tiva ndi hian tigi. ¹¹ Nde thukhingira ndikndigiri. Mba Fhe Bakime nde niingi ndavar simtik, ana nde nzuav mbarkirga tivir vhuuin ndiv hian tigi. Fhe Bakime mba tiva muunjiap, nden kurigim, nde vhemkora wari wo buni ndiav thigar maangen vuzvugi. Ana nde ndikndigi khavim, nde tivi mbatigi ga mbui guma, nde ana vhegap, nde vhira Fhe Bakimen rivgi. Ana nde muungim, nde guigira vhemkora na ganiv, nan kurkurargen vuzvugi. Nde mba tivi mbatigi ga mbui guma, nde khan tigar havhargiap anan tivi ndiv thigar mbarigi. Ana nde mbuim, nde tivir vhuuinra mbui. Maan muunjiap, nde bigin thuen nzuav simtik ki fhu.

¹² Gu kha gava khergiap, gu mba tivi mbatigi ga mbui guma ga ndikndigap, ana khergi fhuvara. Gu mba harigi guma, guma mbe tiva mbatigen ana muunji, gu mba guma ga ndigap kha gava khergi fhuvara. Gu khuen vuzvugiap, kha gava khergi, nden tivir vhuuin za kirar higeria. Nde Fhe Bakime niman, nde tuituigip khuen kangirga, nde guigira wari won ndavir nza niingi. Gu kha bigina niienra nzuav, gu kha gava khergiap, nde ndi mbarigi. ¹³ Maan muunjiap, ntigem nde muunji tivi nza muungim, nzan ndavi havhargiap ki.

Nza ndavi havhargiap, nza ndikndigi. Nza vhira khuen nzuav guigira ndikndiga mbatiga mbui. Nde zam Taitus simtigi vhiizgiap, ana muungim, ana guigira ndikndigap ndava vhee nzerara ki. ¹⁴ Gu fhum nden tiva vhuun bun Taitus ga nzuav, gu nden ziri ndiv vun kuamkuagiap, gu ne nzuav memira ndigi fhu. Zakira fhuvara! Nza nde mbui tivi nenji buni, nta guigira buni guari ma.

Maan muunġiap, mba tivara ntigem Taitus kaŋgi, nza nde ziri ndiav vun kuamkuav suaŋgi buni, nta guigi guarara. ¹⁵ Maan muunġiap, Taitus zav nden hiġim, nde ana gangiap, nde rivgiap, ninik nde mbuim, nde ana ndigap, ana nzuai buni mbararagi. Ana nden tivi ga ndikndigira kav, ana wo ndava vhen, ana guigira khaŋ tigap nde vuzvugi. ¹⁶ Gu ntigem guigira ndikndigi. Gu guigira khueŋ khotiġa havhargi, nde ntigem tivir vhuuŋra muunga.

Mbe Korinan kav guigira Zisas khotiġi gumgi gu mbigi, mbe Zudar kav guigira Zisas khotiġi gumgi gu mbigir kurkurar zav ŋkiiia gu bigi bevahi.

8

Guigira Zisas khotiġi gumgi gu mbigi, mbe Zudan ki gumgi gu mbigi kurkurar zav ŋkiiia fukfugi.

¹ Nde nza phorgap guigira Zisas khotiġi gumgi gu mbigi, nza ntigem Fhe Bakime Masedonia ŋgu bakimen fhain ki siosan vhen ki gumgi gu mbigir ana fhura kora mbui kora muumbar mben kurigi, ne bun nde suan za mbui. ² Mbe simtiga baki guarara mben hiġap guigira mben ndavir mparigi. Mbe mba tugen, mbe guigira fhirgerigap, wari ki. Mba tugen, Fhe Bakime mben kurigim, mbe guigira ndikndiga mbatiga mbuav, mbe Zerusalem kav guigira Zisas khotiġi gumgi gu mbigi ga ndikndigap, mben kurkurar zav ŋkiiia gum bigi

ndiv phok bakime vhuigi. ³ Gu khuen nde suan za mbui. Mbe wari wo vuzvugira, mbe mba nkiaa ndi niingi. Mbe niinga bigi tugiratigap kav, mbe nta ndi ndii. Mbe nta ndi ndiv, mbe mba ki bigi, mbe nta kambaraga niingi. ⁴ Mbe guigira khan tiga havhargiap khan nza nzuai, nza fhura mbe ganirim, mbe khan tigip havhargip harigi siosir vhen ki gumgi gu mbigi phorgip ngariv, Fhe Bakimen gumgi gu mbigi mbe Zerusarem ngu bakimen ki, mbe mben kurkurarga. ⁵ Nza khuen mbe ndikndigi, mbe nkiaa thari ndiv niinga. Mbe mbui tivi, mba nkiaa ndi ndii ne kambarigi. Mbe mbui tiv, mbe fharav guigira wari ndiv Guma Bakime niingiap, mbe Fhe Bakime vuzvuga zin vov, mbe vhira wari won ndavir nza niingi.

⁶ Taitus fhum nden rigar kav, ana mba fhura harigi ntiri kora mbui kora muumbar, ana ana khavgi. Maan muungiap, nza khan tiga havhargiap ana sasarigi, ana taagi nden han ngip, nde phorgi kiv, mba njara vhuun muunv, za ana vhezgirga. ⁷ Nde za mba bigi ga mbuav, nde tivir vhuunra zin vuav nta mbui. Nde guigi guarira Fhe Bakime kothigap, nde khan tiga havhargiap ana kothigi tiv, nde thukhingira ana bun nzuai. Nde vhira Fhe Bakime tivi gu ndikndigi vhirve kangiap, nde vhira guigira Fhe Bakimen njaarar muungen vuzvugi. Nde maan mbuav, nde guigira wari won ndavir nza niingi. Nde nzerara maan mbui, nde mba tivara, nde ntigem Fhe Bakime nde kora mbui njaar, nde khan tigip vhira mba njaarar muunv nde vhira khan tigip harigi ntirir

kurkurigi njaarak muunri.

⁸ Gu wo bunen jin ngir zav, gu kha kamen nde nzuai fhuvara. Zakira fhuvara! Gu harigi gumgi gu mbigi kha njara khavgiap, guigira ana mbui, gu ne bun nde nzuai. Gu nden mparav nde nzuai. Nde maan muungip guigira wari won ndavir harigi gumgi gu mbigi ga ndii tiva ndi khivirga, ana guigira bigina guar ma. ⁹ Nde nza wo Bakime Zisas Kraisan fhura kora muungi korar muumbar, nde ana kanji. Ana guigira bigir vhirve ki, ana nden kurkurav zav, ana guigira saa tara guarara fara muungiap ki. Ana saa tara guarara kiv, nden kurarim, nde Fhe Bakime bigir vhirve ndirga.

¹⁰ Gu ntigem nde mba njaa fukfugi ne nzuav, gu wo ndikndiga bun nde suan za mbui. Nde mba fhum mpariven, nde fharav mba njara khavgiap, nde vhira, ndera fharav guigira mba njarak muungen vuzvugi. Nde ntigem mba njara vhezgiri. ¹¹ Nde fhum mba njarak muunga ne nzuav ndavi khavgi. Ne nzerara, nde ntigem kha njigi havhargip mba njara vhezgiri. Nde ntige mba tivara muunv, vhemkora mba ki bigi tugira tigi, nde mba njara vhezgiri. ¹² Guma maan muungip guigira bigi ndi njingen ndikndigi, Fhe Bakime vhira guigira mba bigi ndirgane ndikndigi. Fhe Bakime guma njinga tukti bigi, ana nta ndikndigi. Ana guma ki fhuv bigi, ana nta nzuav ana nzuai fhuvara.

¹³ Gu nde simtiga bakime ndirim, mba harigi gumgi nzerara kirga, gu ne nzuai fhuvara. Zakira fhuvara! Gu khuen vuzvugi, nza zam mba tivara

harigi ntirir muunga, nza wari tigap, nza nzerara kirga. ¹⁴ Nde ntigem, kha tugen, nde bigi vhirve kav, nde harigi gumgi bigi sosuagim, nde mben kurkurar zav bigi ndi ndii. Maan muungip, zumgum, nde sosuagirga, mbe bigi vhirve kirga, mbe nden kurkurarga bigi ndi nninga. Nde za mba tivar muunga, nde za nzerara kirga. ¹⁵ Mba tiv Fhe Bakimen buni vhuun ki gap suangi kamen zin vugi. Mba kamen khan nzuai, "Gumgi ndi mban vhirve, nta gumgir vhirve kambarigi fhuvara. Mba bisarire ndi gumgi, mben mba tivi fhu."

Por Gumgi mbari ga sarigim, mbe Korinan vui.

¹⁶ Gu Fhe Bakime phorga nzuav, ana ndikndigi. Ana Taitus ndava khavgim, ana nza ndikndigi ndikndigara mbui. Ana vhira guigira nden kurkurargen vuzvugi. ¹⁷ Nza taagi nden han ngir zav ana nzarigim, ana vuzvugi. Ana vhira guigira mba naarar muungen vuzvugi. Ana maan muungiap, ana wo vuzvugar, ana nden han mbar vui. ¹⁸ Nza phorgap guigira Zisas kothigi guma mbe, nza vhira ana sarigim, ana ana phorga mbar vui. Kha siosir ki gumgi gu mbigi, mbe za ana kanji, ana Fhe Bakime buna vhuuen bun nzuai zi ki guma ma. ¹⁹ Ana mba naarara mbui zi ki fhuvara. Zakira fhuvara! Kha siosir ki gumgi gu mbigi ana ndi fagim, ana nza phorgi ngirga. Nza mba naara mbuav, Guma Bakime zi ndiv vun kuamkuav, khuen harigi gumgi gu mbigi khivi, nzan ndavi mba naarar muun zav khavim, nza mba naara mbui. ²⁰ Nza guma the kha gumgi fhura harigi gumgi gu mbigir kurkurav ndii nkha gum vhira

nta gari tiva suany buni mbatigir nza suanga, nza ne vuzvugi fhuvara. Nza maany muungiap, nzan siosi mba fega sarigim, ana nza phorga zigi. ²¹ Nza guigira tivar vhuunra muungen vuzvugi. Nza mba tiv, nza Guma Bakimera niman mba tivar muungen vuzvugi fhuvara. Zakira fhuvara! Nza mba gumgi gu mbigi niman, nza vhira mba tivar muungen vuzvugi.

²² Nza vhira harigi fek mbe sarigim, ana vhira mani phorga vui. Nza tugi vhirvera, nza njaari vhirvera ana mparav, nza ana garim, ana khaŋ tiga havhargiap mba njaari ga mbui. Ana vhira guigira khuen kaŋgi, nde fhura wo bigi gu nkia ninge vuzvugiap, tivar vhuunra muunga. Maany muungiap, ana ntigem mba njaarak muunga vuzvuk bakime ki.^a

²³ Nde Taitus kaŋgi, ana nan khurkhum ma. Ana vhira na phorgap ngarav nden kurkurigi guma ma. Mba nzan harigi fegani, nde khaŋ muungip mani kaŋgiri. Mani sios farasarigi njaara gumani ma. Mani mba njaara mbuim, manin tivira Kraisi zindiv vun kuamkuagi. ²⁴ Maany muungiap, nde tivar vhuunra kha gumgir muunrim, mba siosir vhen ki gumgi gu mbigi, mbe za guigira nde wari won ndavir harigi gumgi gu mbigi ga ndii tiva gangip, kaŋgira, nza fhura nde mbui tivar vhuun, nza fhura kamthoonra nen ndikndigi fhuvara.

8:21 Snd 3.4; Ro 12.17; Fi 4.8; 1 Pi 2.12 **a** **8:22** Nza mba Taitus phorgip Korinan ngir za mbui fek gu nguk, nza mani zini kaŋgi fhuvara. Nza fek Por ves 18 kegap vov, ves 20 thigi ana mani ga nzuai. Ana ves 22 ana harigi fek ra nzuai. **8:24** 2 Ko 7.13-14; 8.1-7

9

Koriniñ fhura Fhe Bakime gumgi gu mbigir kurkurar sanjv ñkiiã ndi nññri.

¹ Nde nza Fhe Bakimen gumgi gu mbigir kurkurar zav suegi ñkiiã, nde nta kañgi. Maañ muunjiap, gu buni vhirve kheriv nde suanga fhuvara. ² Gu kañgi, nde Zerusalem kav bigi sosuagi gumgi gu mbigir kurkurar zav, nde ndavi khavgim, nde mba ñaarar muun za mbui. Gu maañ muunjiap, gu Masedoniaiñ niman, gu nde ziri ndiv vun kuamkuagi. Gu khañ mbe nzuai. “Fhum mbu mpariven Akaiain mba ñaara khavir za mbui.” Mbe nde mbararagim, nde guigira ñkiiã ndi nñn zav vuzvuk bakime kim, mba ndikndik Masedonian ki gumgi vhirve ndavi khavgim, mbe vhira ñkiiã ndi nñn za mbui. ³ Gu khueñ vuzvugi fhu. Nza nde ziri ndiv vun kuamkuagine, ne fhura kama khineñ kirga. Gu khueñ vuzvugi. Nde gu muun zav mbe suanji tivar muunv, nde ñkiiã gu bigi bevahip, nta ndi suri. Gu ne ndikndigap, gu mba fegi ga sarigim, mbe nden han vegi. ⁴ Nza guigira khueñ kothigi, nde bigi ndi nñn za mbui. Gu vhira khueñ ndikndigi. Nde muunv kirim, Masedonia thari na phorgi ñgip, ganinga, nde ñkiiã thari ndi suegi fhu, gu nen memira ndirga, nde vhira mba memira ndirga. ⁵ Gu maañ muunjiap kha ndikndiga mbui. Gu kha fegi ga sararim, mbe fharav nden han ñgip, nden kurarim, nde mba fhura kurkura zav suanji ñkiiã, nde nta bevahirga. Maañ muunjiap, gu nden han ñgirga, mba gumgi gu mbigi nde ganinga, nde mba ñkiiã ndi nñngen

ndikndigiri. Mbe kha ndikndigar muunga fhu, nza nden nkia nji.

⁶ Nde tuituigip khuen ndikndigiri. Guma ana mba bisanera pargi, ana zungum mba bisanera ndi. Guma mban vhirve pargi, ana zungum mba vhirve ndirga. ⁷ Maan muungiap, nde zam bevbevira, nde tuituigip ndikndigip, nde mba nin za mbui bigi, nde za nta ndi ninri. Nde guma the ndava simtik phorgiv wo bigi ndi ninv, khuen ndikndigirga, “Gu wo bigi ndiv ningen vuzvugi fhu. Mbe kha tgap nzuaim, gu nngi.” Ndu mba ndikndiga mbuav wo bigi ndi nngi, ne nzerigi fhuvara. Fhe Bakime guma, ana ndikndigap ana wo vuzvugar wo bigi ndi ndii, ana mba khesharigi gumgi vuzvugi. ⁸ Fhe Bakime, ana za mbarkirga bigir vhuuin nden nnga tuktigi. Ana mba bigir nden nnga, nde guigira bigi tuktigirga. Maan muungiap, nde zazera bigi tuktigip, mba bigi vhirve nden kirim, nde naari vhuuin vhirver muunga. ⁹ Mba tiv Fhe Bakimen buni vhuuin ki gap kha mba tiva nzuai,

“Guma mba vhirve ndi minan pari fara muungiap, ana won bigir vhirver bigi sosuagi gumgi ga nngi.

Ana mba mbui tivar vhuun, anan vhirgirga tuktigi fhuvara.

Mba tiv zazera mba guman kirga.”

¹⁰ Fhe Bakime minan parir zav mban vhirgir gumgi

9:6 Snd 11.24; 22.9; Ro 12.8; Ga 6.7-9 **9:7** Lo 15.7; Snd 11.25; Ro 12.8 **9:8** Snd 28.27; Fi 4.19 **9:9** Sng 112.9 **9:10** Ais 55.10; Hos 10.12; Mt 6.1

ga ndi. Ana vira mbarkirga mban gumgi ga ndim, mbe nta pi. Mba tivara Fhe Bakime bigir vhirvera nden ninga, nde bigi tuktigip, nde vira gumgi gu mbigir kurkurarga. Fhe Bakime nden muunga, nden tivir vhuun, nta guigira khan tigip kivgip, hira. Nden tivir vhuun, nta guma mban minan pargim, ana min zumgum mba tava horgi farar muungirga. ¹¹ Fhe Bakime mbarkirga bigir vhirvera nden ninga. Maan muungip, nde vira zazera bigir vhirvera, harigi gumgir ninga tuktigi. Nza kha mbui naar, nde mba fhura harigi gumgi ga ndi bigi vhirvera nta mba gumgi gu mbigir muunga, mbe Fhe Bakimen ndikndigip ana zi ndi vun kuamkuarga. ¹² Maan muungiap, nde mba mbui naar, ana mba Fhe Bakimen gumgi gu mbigi mbe Zerusareman ki, mba naar mben kurkurarga, mbe bigi ga sosuarga fhu. Mbe vira khan tigip Fhe Bakimen ndikndigirga. ¹³ Nde mben kurkurav mbui naar, ana nden tivar vhuun, ana za ana ndiv hiin khingirga. Mbe nde kangi, nde khan nzuai, nde Kraisan buna vhuuen, nde guigira ne kothigap, nde vira tuituigira ana buna vhuuen zin vui. Mbe vira, nde mbe ningi bigir vhuun vhirve, mbe nta ganinga, vira mba harigi fhain guigira Zisas kothigi gumgi gu mbigi, mbe vira mba bigi ganiv, mbe Fhe Bakime zi ndiv vun kuamkuarga. ¹⁴ Mbe vira guigira khuen kangirga, Fhe Bakime fhura kora mbui kora muumbara bakime, ana guigira nden ki. Mbe maan muungip, gangip, mbe guigira nde vuzvugip, nde suanv Fhe Bakime phorgip suanrim, ana tivar vhuun nden

muunga. ¹⁵ Nza kha Fhe Bakime fhura nza niingi bigina vhuun o, ndikndiga vhuun, ana guigira kivgi. Nza ram muungip za ana bun suangirie? Nza ana fhura kora mbui kora muumbar suanv, nza guigira anan ndikndigirga.

**Gumgi mbari buni mbatigir Por
ga nzuav, Koriniŋ ndavi ga
muungim, mbe Por ga nzuav ndavi
shigim, Por ne nzuav Koriniŋ
ndikndigi ndi thigar mbai.**

10

*Por ŋaara mbevi gumgi, ana mbe ana nzuai buni,
ana nta ngarkar za mbui.*

¹ Gu Por, gu khaŋ nzuai. Gumgi mbari, mbe fhura shishigap buni na sav, khaŋ nzuai, “Por, ana nzan han kav, ana guigira wo mbevav nzan han ki. Ana nza thav vov samra kav, ana kama havharara nza nzuai.” Mbe mba kamen na suangim, gu Por, gu ntigem khaŋ tigap nde nzuai. Nde Kraiŋ Zisas, ana guigira wo mbevav, mbarara gumgi ga mbui tivi, nde nta ndikndigip, gu ntigem nde nzuai, nde tuituigira gu ntigem nde suan za

mbui kamenj, nde ne ndikndigiri.^a ² Gu ndikndigi, gu guigira khan nza nzuai gumgi, “Mbe nuiana gumgi mbui tivi zin vui,” gu kama havharara mbe phorgi suangirga. Gu khan tigap nde nzuai, gu maan muungip ziv, nde phorgi kirga, nde nan muunrim, gu kama havharar nde suangen thagi. ³ Khuenj guigi guarara, nza kha nuianan ki. Nza kha nuianan kav, nza kha nuianan ntari ga mbui gutivi gumgi shogi tiva mbuav shogi fhuvara. ⁴ Nza mba suirav shogi bigi, nta kha nuiana bigi fhuvara. Zakira fhuvara! Nta Fhe Bakimen nkasnka ntan ki. Nta nzan pana guman bina havhar, nta ana shogi, ana phirgirga nkasnka ki. ⁵ Nza mbarkirga ndikndigi gum guiguigiap wari ndi vun kuamkuagi buni, nta Fhe Bakime kangir za mbui gumgir tuavi mpirim, nza mba ndikndigi phorga shogap, nta togasui. Nza nta mbevav, nza mba gumgi, nza mbe ndikndigi, nza za nta birav, nza Kraiz vuzvuga zin ngir zav mbe mbui. ⁶ Nza ne nzuav nden rargi. Nde maan muungip, za nza nzuai buni zin ngirga, nza khan tigip havhargip Fhe Bakime vuzvugi tivi daasui gumgi, nza muumbara mbatigar mben muungirga.

^a **10:1** Kha sapta 10.13 ki kamenj ne kha 2 Korinan ki kaavenj fara muungi fhuvara. Sapta 9, Por khan nzuai, “Ana guigira Korinin mbui tiva vuzvugiap, ana mben tivir ndikndigi.” Ana vhira sapta 10, ana kama havharar mbe nzuai. Ana maan muungi buna niainra nzuav, mba bigi kangir gumgi mbari khan ndikndigar mba sapta 10, ves 13 buni, nta harigi gavar ki Por nta khergi. Ana nta khergi, zumbugum gumgi mbari ana mba khergi gavani ndiga wani ti khingi. **10:2** 1 Ko 4.21 **10:4** 1 Ko 2.5; Ef 6.13-17; 1 Te 5.8; 1 T 1.18 **10:5** 1 Ko 1.19; 3.19 **10:6** 2 Ko 2.9

7 Nde mba bigi garav, nde tuituigiap nta ndikndigi fhuvara. Maan muungip, guma the kha ndikndigar muunga, ana nduara, ana guigira Kraisan guma guar ma. Ana mba ndikndiga mbui, ana tuituigip khuenj mbugum kangiri. Nza vhira ana fara muungiap, nza guigira Kraisan gumgi ki. 8 Guma Bakime mba naarar muunga zi bakimen nza ningi. Nde ana khotigi ndikndik, ana mba ndikndik havharirgen nza vuzvugi. Ana nza nden farfarga ne vuzvugi fhuvara. Maan muungip, gu nza wo mbui naara suanjv, nza thanenj wari wo ziri ndiv vun kuamkuarga, gu ne suanjv mberirga fhu. 9 Gu ririvar nden ninga gavi kherirgane vuzvugi fhuvara. 10 Gumgi mbari khan nzuai, “Por kheri gavi, nta mbarkirga buni havhari ntan ki. Ana nduara zav nzan han zav, nza phorga nzuaim, nza ana gari, ana guigira njaska ki fhu. Ana vhira Fhe Bakime buni vhuinj bun nzuai tiv nzerigi fhu.” 11 Mba khesharigi buni nzuai gumgi, mbe tuituigip khuenj kangiri. Nza mbar ngip nden han kiv, nde muunga tiv, ana nza samra kav, mba gavi kherav nde suangi tivara zin ngirga.

12 Nza khuenj suanga fhu, nza nduarira wari wo ziri ndiv vun kuamkuav, nen ndikndigi gumgi mbui tivir muunga. Nza vhira khan suanga fhu, nza mbui tivi, mbe mbui tivi fara muungip. Zakira fhuvara! Mba gumgi, mbe wari wo vuzvugira, mbe wari wo mbui tivi garav, nta nzuai. Mbe khan mbui, mbe wari wo mbui tivi garav, nta nzuav wari phorga nzuai. Maan mbui gumgi,

10:7 1 Ko 3.23; 14.37; 2 Ko 5.12; 1 Zo 4.6 **10:8** 2 Ko 12.6; 13.10

10:11 2 Ko 7.14; 12.6; 13.2; 13.10 **10:12** 2 Ko 3.1; 5.12

mbe guigira ndikndigi vhuuŋ ki fhuvara. ¹³ Nza wari wo mbui ŋaari gum zi bakimen warir nŋngen thagi. Nza Fhe Bakime nzan mbuigi ŋaar, nza ana muunga. Nza mba tha kaminga fhu. Fhe Bakime mba muun zav nza nŋngi ŋaar, mba ŋaar vħira vov, Korin thigi. ¹⁴ Fhe Bakime fhara muun zav nza nŋngi ŋaar, ana nde vharigi. Nzara, nza fharav Zيسان buna vhuueŋ ndigap, nde Koriniŋ ndi vugi. Maan muunġiap, nza Zisas Kraisan buna vhuueŋ bun nde nzuav, nza ana nza suanġi tha kambai fhuvara. Zakira fhuvara! ¹⁵ Nza wari wo tha kambav, harigi gumgi mbui ŋaari ga nzuav wari wo ziri ndiv vun kuamkuagi fhuvara. Zakira fhuvara! Nza Fhe Bakime nza nŋngi ŋaar, nza mba ŋaarara mbui. Nza khueŋ khotħigi. Nza maan muunga, nde guigira Zisas khotħigi ndikndik, ana khaŋ tiġip kivġirga, nza nden riġar ka mbui ŋaar kivġirga. ¹⁶ Nza vħira Zيسان buna vhuueŋ ndigip, nde zin kirar ki ŋgui ŋġirga. Nza harigi gumgi vov ŋaara muunġi ŋgui, nza ntan ŋġegirga fhuvara. Nza vħira fhura harigi guma muunġi ŋaarar ndikndigip, wari wo ziri ndiv vun kuamkuarga tuktiġi fhuvara.^b

¹⁷ “Guma wo zi ndi vun kuamkuar za mbui, ana Guma Bakime muunġi ŋaara suanv, Guma Bakimera zin ndi vun kuamkuari.” ¹⁸ Nza kaŋġi, guma ndikndigap nduara wo zi ndiv vun

10:13 Ro 12.3 **10:14** 1 Ko 3.5; 3.10; 4.15; 9.1 **10:15** Ro 15.20 **b** **10:16** Por khaŋ nzuai, “Nde zin kirar ki ŋgui,” ana mba ra veri fhain ki ŋgui ga nzuai. Mba ŋgui, nta Korin ŋgu bakime fhain ki. Mba ŋgui Rom ŋgu bakime, gum Spen ŋgu bakime ma. Ndu FG 19.21 ganiri. Nde vħira Rom 15.24-28 thigiri. **10:17** Ais 65.16; Jer 9.24; 1 Ko 1.31 **10:18** Snd 27.2; Ro 2.29; 1 Ko 4.4-5

kuamkuagi, mba guma, ana Fhe Bakime niman, ana zi ki fhu. Zakira fhuvara! Guma Bakime, maan muungip guma the zi ndi vun kuamkuarga, mba gumara, ana guigira zi ki.

11

Por mbui t̄ivi, nta fhura Zisas farasarigi ŋaara gumgir wari ga shishigi gumgi mbui t̄ivir fara muunggi fhuvara.

¹ Gu khuen vuzvugi, nde fhura na mbararari. Nde fhura na mbarararim, gu maan muungip, gu pham buna thuen suanga. ² Fhe Bakime guigira khuen vuzvugi, vuzvuk bakime anan ki. Ana khuen vuzvugi, kha gumgi gu mbigi, mbe za ara piin kirga. Mba tivara, gu vhira khuen nde vuzvugi vuzvuk bakime ki. Nde fhum guma the ndiga kegi fhuv mbigar kama fara muunggi. Gu kha guma ga nzuav nde ndi fegi. Mba guma, Kraisra. ³ Gu nde ndiga vov, mba guigira bigi guiguigi kanji kuruga ndikndigi. Mba kuruk, ana fhum Iv guigi. Gu khuen nden rivi. Nde muunv kirim, mba khesharigi tiv nden higirga. Nden ndikndigi pham ngegirga, nde nzerara ki ndikndigi vhuun thav, nde vhira Kraisra ndikndigi ndikndik, nde vhira ana tharga. ⁴ Gu khuen nzuav rivi. Gu kanji, gumgi mbari nden han zav, mbe harigi Zisas bun nde nzuai. Nza kha bun nde nzuai Zisas, ana harigi Zisas ma. Nde mba t̄iva mbuav, nde maan muungip, harigi ŋina ndigirga. Mba ŋina, ana nde fhum ndigi Ŋina Ŋaar fhuvara. Nde maan

muunḡip, nde vħira ntige harigi buna vhuueḡ ndi, mba buneeḡ, ne nde fhum ndigi buna vhuueḡ fhuvara. Gu kaḡgi, mbe nde riḡar kav mba tiva mbui, nde fhura mbe garav nde mbe buni mbararagi.

⁵ Nde mbarara. Gu ndikndigi, gu thaneeḡ mba fhura wari ga shishigap khaḡ nzuai gumgi, “Nza Zisas farasarigi ḡaara muunga ziri ki gumgi ma,” gu mbe piin ki fara muunḡi fhuvara. ⁶ Gu tuituigiap Zisas Kraisan buna vhuueḡ bun nzuai fhu, ne nzerara. Na ndikndik bigin thuen phavgi fhuvara. Zakira fhuvara! Nza zazera zin vui tuavi gum tivi, nza mba kaḡgi tivir nde khivi.

⁷ Nde kaḡgi, gu Zisas Kraisan buna vhuueḡ bun nde nzuav, gu mba ḡaarar panan vheza ndi fhuvara. Gu mba tiva mbuav, gu nduara wo mbeviggi. Gu wo mbevav, gu nde vun fegirga. Gu maan muunḡim, ne ram muunḡi? Ee, gu mba tiva mbui ne tiva mbatigeḡ thi? ⁸ Gu sios thari han ḡkħia thari ndiav won kurkurav nden riḡar kav ḡgarire? Gu mba tiva muunḡi, gu mben bigi kħi fara muunḡi. ⁹ Gu nde phorga ki tugen, gu maan muunḡiap bigin the sosuagiap, gu ne nzuav simtigar nde the niḡḡgi fhuvara. Zakira fhuvara! Nde na phorgap guigira Zisas khotħigi gumgi, gu Masedonia thav, zav, Korinan zigi, mbe gu sosuagi bigi, mbe ntan nan kurigi. Gu khaḡ tiḡa havhargiap kha ndikndiga mbui, gu simtiḡa thanen nden niḡḡḡḡ thagi. Gu ntigem mba ndikndigara zin vui. ¹⁰ Kraisan buni guari na phorga kim, gu guigira khaḡ nzuai. Kha Akaia ḡgui bakivi fhain ki, guma the, gu kha mbui

11:5 1 Ko 15.10; 2 Ko 12.11; Ga 2.6 **11:6** 1 Ko 1.17; 2.1; 2.13; 2 Ko 4.2; 10.10; Ef 3.4 **11:7** 1 Ko 9.12; 9.18 **11:9** 2 Ko 12.13; Fi 4.15-18; 1 Te 2.9 **11:10** 1 Ko 9.15

tiva nzuav wo zi ndiv vun kuamkuagi ne suany nan tuav mpirarga tuktiigi fhuvara. ¹¹ Gu than nzuav maan muunggi? Ee, gu guigira won ndavar nde niinggi fhuv thi? Zakira fhuvara! Fhe Bakime na kanji, gu guigira won ndavar nde niinggi.

¹² Gu ngip, mba ki kiri tivar muungip kiv, mba mbui naarara muuny kirga. Nza mbe mbui naarara mbui. Mba fhura shishigap wari wo ziri ndiv vun kuamkuarga tuavi ndi garav khan nzuai gumgi, “Nza Zisas farasarigi naara gumgi ma. Nza mbe mbui naarara mbui.” Gu ngarip mben tuav mpirarga. ¹³ Mba gumgi, mbe fhura shishigap Zisas farasegi naara gumgir wari ga shishigap, mbe fhura guiguigi naara gumgi ma. Mbe fhura shishigap wari wo mbui tivi domdora suav, gumgi ga mbuim, mbe kha ndikndigar mben muunga, mbe guigi guarara Krai farasegi naara gumgi guari ma. ¹⁴ Nde mbe mbui tivi ganiv, ngava mbatigar muun thari. Nza kanji, Satan, ana nduara won tiva dorga khingiap, ana Fhe Bakime enser naarar wo tigi. ¹⁵ Maan muungiap, Satanan naara gumgi, mbe vhira, mbe won tivi mbatigi dorgi khingip, tivar vhuuan mbui naara gumgir warir tigirga, nza ne suany ngava mbatigar muun thari. Mbe zungum, mbe mba mbui tivir mbatigi tugira tigip ntan vheza ndigirga.

Por Zisas farasarigi naara guma kav, ana simtigir vhirve ndigi.

¹⁶ Gu fhum ne suangi, gu maan muungip ndikndik ki fhuv guma nzuai mbugum suangirim,

nde ne mbararagip, nde kha ndikndigar nan muunj thari, “Ana njanjangi guma ma.” Nde maan muungip khan suanga, “Ana njanjangi,” ne tugara. Nde vhira fhura na ganirim, gu thanen wo zi ndiv vun kuarga. ¹⁷ Gu Guma Bakime vuzvuga zin vov, kha kamen nzuai fhuvara. Zakira fhuvara! Gu njanjangi guma buni nzuai fara muungiap, gu nduara wo zi ndiv vun kuamkuagi. ¹⁸ Gumgi vhirve, mbe nuianan tivi zin vov, mbe nduarira wari won ziri ndiv vun kuamkuagi. Gu vhira mba tiva zin vov, gu vhira nduara wo zi ndiv vun kuamkuagi. ¹⁹ Nde guigira ndikndigi vhuuinj ki ntiri ma. Nde maan muungiap, nde guigira mba njanjangi gumgi, nde mben ndikndigap, fhura mbe garim, mbe pham bunin nde nzuai. ²⁰ Khuenj guigi guarara, maan muungip guma the fhura nde ngirgirim, nde ngip, mbe muungi bigen khinan ngarirga o, ana za nde bigi vhezirga o, ana nde guiguigip nde raan shiv o, ana khan nde suanga, ana guman rum ma o, ana nden kurenj phirgira, nde fhura ana gari. ²¹ Gu guigira nden kora muungi, nza mba tivar nden muunga nkasnka ki, nza mba tivar nde mbui fhu. Gu nza wo muungi tiva mbatigen bun nde suangen mbergi.

Maan muungip, guma the fhav nkasnkagip, won tivi bun suanga, gu vhira fhav nkasnkagip, won tivi bun suanga. Gu nden kora muungi, gu njanjangi guma nzuai mbugum buni nzuai. ²² Mbe Hibru ntirie? Gu vhira, gu Hibru ne ma. Ee, mbe Isrerinj e? Gu vhira, gu Isrer ne ma. Ee, mbe Abraham nzigi ee? Gu vhira, gu Abraham nzik ma. ²³ Ee,

mbe Kraisa n̄aara gumgi ee? Gu ntigem guigira n̄an̄angi guma nzuai mbugum buni suan za mbui. Gu Kraisa n̄aara mbuav, gu guigira mbe kambarigi. Gu guigira n̄aara mbatiga muun̄gi. Gu muun̄gi n̄aar, ana guigira mbe kambarigi. Tugi v̄h̄irvera, mbe na ndiv bina suav, mbe tugi v̄h̄irve guarira na shogi. Gu mba simtigi ndiav, gu guigira mbe kambarigi. Gu tugi v̄h̄irvera, gu za ringir za muun̄gi. ²⁴ Mbe Zudaɪn̄, mbe phiv̄igar na khara vov, 39 tigi. Mbe meen̄th̄igi tugir mba t̄ivar na muun̄gi.^a ²⁵ Mbe Romin̄, tuga mpuani khegenen, mbe mpiīnsigar na shogi. Tuga buen̄ra mbe na shogir̄im, gu ringir zav, mbe n̄k̄īar na segi. Tuga mpuani khegenen, gu kema bakime vuim, kem na kh̄igap mbatigim, gu maan̄ gu raa bavira, gu fhura mbasīga rīgager kegi. ²⁶ Gu tugi v̄h̄irvera, gu saman ki n̄guir vov, gu phara bakivi ga rav, gu tuman muun̄ za mbuav, gu v̄h̄ira k̄iv̄ shogi gumgi, mbe tuav riksigivigen kav, nan farfar za muun̄gi. Nan kaa gumgira nan farfa za mbuim, v̄h̄ira harigi fhain̄ nt̄iri, mbe v̄h̄ira nan farfa za mbui. Gu n̄gui bakivir kim, mbe na farfa za mbui. Gu v̄h̄ira mba gumgi v̄h̄irve ki fhuv n̄anin tuavi riksigivigen kim, mbe nan farfar za mbui. Gu v̄h̄ira mbasīga rīgar, gu v̄h̄izi za

11:24 Lo 25.3 **a** **11:24** Tivi ki gap sapta 25.1-3. Mba vezi khañ nzuai. Mbe Isrerin̄, mbe guma the mbe muumbara mbatigar ana muun̄ san̄v, be phiv̄iga ndigip, mba guma khargirga. Mbe ana kharip, mbe 40 th̄igi khariven ana muun̄girga. Mbe Zudaɪn̄ kha ndiknd̄iga mbui. Mbe maan̄ muun̄v, mbe tuituigip, mba ana khari khariven̄ mbe pham nta ruemiv, mbe muun̄v kiv tum kamarav ana khargirga. Mbe maan̄ muun̄giap, mbe muumbara mbatigar guma then muun̄ zav, mbe ana kharav, mbe vov, 39 ra thivi.

11:25 FG 14.19; 16.22; 27.41 **11:26** FG 9.23; 13.50; 14.15; 20.3; 23.10-11

muunġi. Mba guigira Zisas kothigi nen wari ga shikshigi gumgi, mbe vħira na vħizi za muunġi.

²⁷ Gu guigira simtik ki nħari, gu nta muunġiap, gu guigira vħugi. Gu tugi vħirvera, gu mbarir nħarav, gu kui fħuvara. Gu thir vħizav, gu mbi nzuav fħir ki. Gu tugi vħirver, gu mba ki fħu. Gu vħira tugi vħirvera, gu rugi mbatigi hav, gu ruga hav shari shaa thige ki fħu. Gu guigira rugi mbatigi hi.

²⁸ Gu vħira harigi simtigi vħirve vħira nan hegi, gu nta bun suanga. Gu vħira zazera rari tugira tigap tuituigip siosi ganinga tuavi ga ndikndigi. Mba ndikndik, ana guigira simtiga bakime na ndi.

²⁹ Maan muunġip, guigira Zisas kothigap ana zin vui guma the, ana nħasħka vħizirga, gu vħira nan nħasħka vħizirga. Maan muunġip, bigin thuen ħiv, guigira Zisas kothigi guma then muunġirim, ana rigip, tiva mbatiga thuen muunġirga, gu guigira ne suanv vhega mbatigar muunga.

³⁰ Gu maan muunġip nduara wo zi ndiv vun kuamkuarga tuav the kirga, gu mba nan ħigi bigi, gu nta bun suanga. Gu mba nan hav nan nħasħka vħizi bigi, gu nta bun suanv, nta ndiv vun kuamkuarga. ³¹ Fhe Bakime, ana nza Bakime Zيسان Ndia ma. Nza zazera ana zi ndiv vun kuamkuarga. Ana kanġi, gu guiguigi fħuvara.

³² Gu Damaskusan kim, Damaskusan nħui vħirve gari guman pan Aretas piin gari guman pan, ana ntari ga mbui ġitivi mbari ndi fegim, mbe mba nħu bakimen vhen veri thirkaa gari. Mbe mba thirkaa gari, ne kħan muunġi, mbe na ndi bina sur za

11:27 FG 20.31; 1 Ko 4.11; 2 Ko 6.5 **11:28** FG 20.18-21; 20.31

11:29 1 Ko 8.13; 9.22 **11:30** 2 Ko 12.5; 12.9-10 **11:31** 2 Ko 1.23 **11:32** FG 9.23-25

mbui. ³³ Mbe maan na mbuim, na phorgap guigira Zisas kothigi gumgi mbari, mbe na ndim kirima baki mbe khingiap, mpiin mba kiriman fav, na ndim, mba ngu bakimen binan biinbiin ndi thoon mbugum, ana ndim kirar mbarigim, gu zerav, niin thigap, vugi. Mbe mba tivar na muungim, gu mba guman pana farve thav, ra vugi.

12

The Bakime rıman Por khav buni vhirver ana suangi.

¹ Gu nduara wo zi ndiv vun kuamkuarga. Kha tuav guigira guma then kurarga tuktigi fhu. Gu ntige khan tigip, nta buni suanga, gu vhira Guma Bakime rıman na khav, mba vhagi bunin na suangi, gu nta bun suanga. ² Gu Kraisan guma mbe, gu ana kanji. Fhe Bakime fhum ana ndigap, won han Hevenan ndagim, 14 mpari vhezgi. Ana won fhava khigira ki o, ana wo fhava thav harigi khesharigi, gu kanji fhuvara. Fhe Bakime nduara ne kanji.^a ³⁻⁴ Gu khuen kanji, Fhe Bakime ana ndigap, won han Hevenan ndagi. Ana ndav, ana wo fhava thagi o, ana won fhava khigira ki, gu kanji fhuvara. Fhe Bakime nduara kanji. Ana Hevenan ndav, ana guma bun suangirga tuktigi fhuv buni, ana nta mbararagi. Mba buni, mbe vhira bun suangen thivigi buni ma. ⁵ Gu ne nzuav mba guma zi ndi vun kuamkuarga, gu wo zira ndi vun kuamkuarga fhu. Gu khan wo suanga, gu

^a **12:2** Nza khan muungia kanji, "Kraisan guma," ana Por ra. Ndu ves 3 gani ngip, 7 thigiri. **12:5** 2 Ko 11.30

mba nan hav nan nkasnka vhi:zi bigi, gu nduara nta bun suanjv nta ndiv vun kuamkuarga.

⁶ Guigira, gu maanj muungip nduara wo zi ndi vun kuamkuar sanjv, gu nanjangi guma nzuai mbugum buni suanjirga fhuvara. Ne khanj muunji, gu guigira buni guarira bun suanga. Gu ne suanjv wo zi ndi vun kuarga fhu. Ne khanj muunji, gu khuenj vuzvugi, kha gumgi na ndikndigi zi ndi vun kuamkuargenj, gu ne thagi. Mbe gu mbui tivi ganiv, gu nzuai buni, mbe nta mbararav, mbe nzerara na ndikndigirga.

Ngara fara muunji bigin Por fhava thivi.

⁷ Fhe Bakime fhum vhagi bigir vhuuinj vhirve na khivigi. Ana khuen na vuzvugi fhu, gu mba ana na khivigi bigi ga ndikndigip, nduara won tivi ga suanjv ndikndigirga. Ana nen na vuzvugi fhuvara. Maanj muunjiap, ana ngara fara muunji bigina mbe, ana fhura ana garim, ana zav, ana han kav, nan fhava thivi fara muunji. Mba bigin, ana Satanana njaara guma ma. Ana maanj muunjiap zazera tiva mbatigar na mbui. Ana na mbevi zav zigi. Ana na mbevirga, gu ndikndigip nduara wo zi ndi vun kuamkuarga fhu. ⁸ Gu tuga mpuani khegenen, gu won tin mba bigina vharvharar zav, khanj tigap havhargiap Guma Bakime phorga suanji. ⁹ Ana khanj na nzuai, “Gu fhura korar mbui korar muumbar, ana za ndun tugiratigi. Ne khanj muunji, guma kanji, ana nkasnka ki fhu, nan nkasnka khanj tigap havhargiap guigira anan hi.” Guma Bakime maanj nzuaim, gu maanj

12:6 2 Ko 10.8; 11.16 **12:7** Jop 2.6; Ese 28.24; Ru 13.16; Ga 4.13-14 **12:8** Mt 26.44 **12:9** 2 Ko 11.30; Fi 4.11-13; 1 Pi 4.14

muunɗiap, ntigem gu ɗkasɗka ki fhuv, gu guigira ndikndigirga. Ne khaɗ muunɗi, gu ɗkasɗka ki fhu, Kraisan ɗkasɗka nan kirga. ¹⁰ Maan muunɗiap, gu Kraisan ɗaarar muun zav, gu ɗkasɗka ki fhuv, kha gumgi buni mbatigir na nzuav na nzɗim, mbarkirga simtigi gu bigi mbatigi nan hirga, kha gumgi nan farfarga, gu Kraisan ɗaarar muunga tuav mpirarga, nan ndava vhee mbirigim, gu ki. Ne khaɗ muunɗi, gu ɗkasɗka ki fhu, mba tugara, gu guigira ɗkasɗka ki.

Por Koriniɗ guigira Zisas khotigi ndikndigi havhari za mbui.

¹¹ Gu kha suanɗi bunen, ne guigira gu ɗanɗanɗi guma nzuai mbugum suanɗi. Nde nduarira, nde na muunɗim, gu mba bunen suanɗi. Nde nan tivar vhuun bun suanɗirga tuktigi, nde ne bun suangen thagim, gu nduara ne bun suanɗi. Khuen guigi guarara, gu guigira guma khin ma. Gu zi ki fhu. Mbe gumgi mbari khaɗ nzuai, “Nza Zisas farasegi ɗaarar muunga ziri ki gumgi,” gu nde ntiri piin ki fhuvara. ¹² Gu nden rigar ki tugen, gu ɗkasɗka ki ɗaarir bigi vhirver nde khivigi. Nde mba ɗaari ganɗiap, kanɗi, gu guigira Zisas farasarigi ɗaara guma guar ma. Gu mba tugen, guigira thiga havharɗiap simtigi ndav, mba tiva mbuav, gu mbarkirga mirikori gum harigi khesharigi ɗkasɗka ki ɗaari, gu nden rigar nta muunɗi. ¹³ Gu nde mbui tivar, gu harigi siosi ga mbui. Gu mbe mbui bigina buenra, gu nen nde mbui fhu. Gu mba gu bigir wo gani zav simtigar nde ndii fhu. Gu maan mbui ne nzuav

12:10 Ro 5.3; 2 Ko 7.4; 13.4

12:11 2 Ko 11.5

12:12 Ro 15.19

12:13 2 Ko 11.9

simtik ki thi? Gu maan muungirim, nde gu muungi bigen, nde ne ndikndik nangiri.

¹⁴ Gu fhum ruru mpuanin nde muungi, gu ntigem wom nden han mbar ngir za mbui. Gu ntige nden han vui ruru, gu vhira simtigar nden niingirga fhu. Nde mbarara. Gu nden nkia gu bigi ndirgen vuzvugi fhuvara. Zakira fhuvara! Gu ndera ndir zav zi. Nde kanji, tari bisarire, mbe wari won ndegi gu ndegmbori ganiv, mbe kurkurarga mba gu bigi ndiv phogir vhora guktigi fhuvara. Zakira fhuvara! Mben ndegi gu ndegmbori, mbe nduarira won wari tari ganiv mben kurkurarga bigi ndiv, phogir vhora ne kanji. ¹⁵ Gu wo bigir za nden niingane vuzvugiap, gu vhira nden kurkurav za won tuma fekingirga ne nzuav ndikndigi. Gu guigira khang tigap won ndavar nde niingrim, mba tiv nde muungim, nde bisanera wari won ndavir na niingrie?

¹⁶ Nde gu fhum muungi tiv, nde ana vuzvugiap, nde na phorgap ndava bavira ki. Nde mbari gu mbui tivi, nde khang nta nzuai, “Ana guigira ana kirar hiing sarav, nza bigi ndi fhuvara. Ana guigira nzan raan shirganen kanji. Ana maan mbuav, nza guiguigav, nza ndifhiri ga sav, nza bigi ngi.” ¹⁷ Ee, gu ram muungiap mba gumgi ga sarigim, mbe nden han zegi. Ee, ram muungi? Gu mba guma then panan, gu nde guiguigap, nden bigi kingire? ¹⁸ Gu khang tigap Taitus ga sarigim, ana nden han mbar vugi. Ana nden han vuim, gu mba nza phorgap guigira Zisas kothigi guma mbe sarigim, ana ana phorga mbar vugi. Mani vugap, Taitus

nde guiguigap nde bigi thari kimgire? Ee, nka ndikndik bavira zin vui fhuve? Ee, nka tuav bavira vui fhuve?

¹⁹ Nde kha gava gangiap, nde kha ndikndiga mbuav ki thi? Nza wari ga nzuav gorav kha buni khergiap nde ndi mbai. Ne maan muungi fhuvara. Nza Krai phorga havhargiap, nza Fhe Bakime niman mba buni nzuai. Nde guigira nan kivntogi guari. Nza kha mbui bigi, nta za nde guigira Zisas khotigi ndikndigi havhargirga. ²⁰ Ne kha muungi, gu manen rivgiap kha ndikndiga mbui. Gu ngip, nde ganinga, nde gu vuzvugi gumgi gu mbigi ki kiri tivar muunga fhu. Nde vhira, nde na ganiv kha na suanga, “Nza kha muungi guma ganingen vuzvugi fhu.” Gu ngip, kha khesharigi tivi ganirim, nta nde rigar kirga. Kha khesharigi tivi, nde warira daav, wari ga nzuai buni, harigi ntiri ga nzuav ndavi shi, vhegi, fhura ferferi, harigi gumgi nzii, harigi gumgi zin mbav mbe nzuai, riri, naarir farfagi. Gu mba khesharigi tivi ganengen thagi. ²¹ Gu vhira khuen rivgi. Gu nden han zirga na Fhe Bakimen nde niman nan muungirim, gu nden mbergirga. Gu vhira fhum tivi mbatigi ga mbuav ki gumgi gu mbigi vurve, mbe mba tivi ga mbuav, ndavi domdori thagi. Mbe kir kha khesharigi tivi ga si thagi. Mba tivi khare, ruari mbigi gu gumgi wari kii, ndavi khavav tivi mbatigi ga mbui, mberi tivi mbatigi, mbe kirara ntan wari wo fhavi ga mbui. Mbe fhum mba khesharigi tivi mbatigi ga mbuav ki. Gu mba khesharigi tivi ganinga, gu guigira mbergip, gu guigira nden korar muungirga.

13

Mbe Koriniŋ, mbe guigira Zisas khotiŋi ndikndik, mbe tuituigira ana ganiri.

¹ Gu fhum phenatitigap nden han vugap, gu ntigem wom nden han ngir za mbui. Fhe Bakime buni vhuuŋ ki gap khaŋ nzuai, “Guma, maan muungip guma the suaŋv suaŋ za mbui, maan muungip, guma phuni o phuni khegene, guma the ganiri, ana tiva mbatik thuen muungirim, nza mba bigen ndiv thigar maanga.” ² Gu fhum phenatitigap nde phorga ki tugen, gu mba tivi mbatiŋi ga mbui gumgi phorga nzuai, gu vhora mba vuzvugi tivi, gu ntan mba harigi gumgi phorga suaŋgi. Gu ntigem, gu samra kav, gu wom khaŋ mbe nzuai, gu taagip nden han zirga, gu fhum tivi mbatiŋi ga muuŋgi gumgi gum vhora ntige tivi mbatiŋi ga mbui gumgi, gu fhura mbe gangirga tuktiŋi fhuvara. ³ Nde ne kaŋgir za mbui, Kraisa ana nan kamthoon ka nzuai o, fhu? Nde maan muungip kaŋgir za mbui, gu nden muunga, nde kaŋgirga. Nde mbarara! Kraisa, ana nde mbui tivi mbatiŋi ndi thigar maanga ŋkasŋka bakime ki. Ana nde rigar, ana guigira ŋkasŋka bakime ki. Nde khuen ndikndiŋi thari, ana ŋkasŋka ki fhu. Zakira fhuvara. ⁴ Guigira, ana fhum ŋkasŋka ki fhuv, mbe ana ndi khanararen ga tiga fugim, ana rimgi. Ntigem, Fhe Bakime ŋkasŋkar ana taagia khavgiap, zazera mbara muungiap ki biŋbiŋ ndigap ki. Gu ana phorgap, gu vhora ŋkasŋkar ki fhu. Gu Fhe Bakimen ŋkasŋkan panan, Kraisa phorgi kiv nden ngarirga.

13:1 Lo 17.6; 19.15; Mt 18.16; 2 Ko 12.14; 1 T 5.19 **13:4** Ro 6.4; Fi 2.7-8; 1 Pi 3.18

5 Nde wari wo mbui tivira ganiv, wari wo ndikndigira ganiv, warira ndikndigiri, nde guigira Zisas kothigi ndikndik havhargi o, fhu? Nde tuituigip wari wo mbui tivira ganiri. Ee, nde kanji fhuv thi? Zisas Krai nden ndavi vherir ki o, fhu? Ana nde phorga ki fhu, nde guigira ana kothigi fhu. 6 Gu ntigem khuenj kothigi, nde nduarira khuenj ga suanj ganiv, ne kangiri, gu guigira Krai farasariji njara guma ma. 7 Gu nde nzuav Fhe Bakime phorga nzuai. Nde tiva mbatik thuenj muunga fhu. Gu khuenj nzuav Fhe Bakime phorga nzuai fhuvara. Mba gumgi na ganiv, khanj na suanga, gu Krai farasariji njara guma mbe ma. Fhuvara. Gu khuenj nzuav Fhe Bakime phorga nzuai, nde tivir vhuuin muunga. Mbe gumgi mbari khanj na nzuai, gu Krai farasariji njara guma fhuvara, ne nzerara. 8 Nde khuenj kanji, gu Krai buna guarenj mbevarga buna thuenj suanjirga tukti gi fhuvara. Zakira fhuvara! Gu Krai buna guaren kurkurigi njarara muunga. 9 Maanj muungip, nde njkasnjkagirga, gu njkasnjkagirga fhu, gu nen ndikndigi. Gu zazera nde nzuav Fhe Bakime phorga nzuai, nde khanj tigip havhargip guigira Zisas kothigi gumgi gu mbigi kirga. 10 Guma Bakime won njara gani zav, nan farasarav, mba njarar muunga njkasnjkar na niingi. Maanj muungiap, gu ntigem samra kav, kha kamenj khergiap, nde ndi mbarigi. Ne khanj muungi, gu nden han zirga, gu nden tivi ndi thigar maan sanj, havharar nde phorgi suangenj thagi. Guma

Bakime na farasarav mba ɲaarar na niɲgi. Gu nde ana kothigi ndikndigi havharirga, gu nden farfarga fhu.

Por won raar vhuun mbe ndii.

¹¹ Nde na phorgap guigira Zisas kothigi gumgi gu mbigi, gu ntigem wo buni vɛzav, gu won raar vhuun nde ndii. Nde wari wo mbui tɛvi mbarigi ndi thigar maɲv, nde khaɲ tigap havhargip guigira Zisas kothigi gumgi gu mbigi kiri. Nde gu suangi buni mbararari! Nde vɛra, nde zam ndikndik bavira muɲv, wari tigip ndava bavira kiri. Fhe Bakime ana ndava ndi ndii tɛvar niɲge ma. Ana vɛra ndava bavira ki niɲge ma. Ana nde phorgi kiri.

¹² Nza Fhe Bakimen gumgi gu mbigi, nza won tɛva zin ɲgip, nde bevbevira, nde Fhe Bakimen gumgi gu mbigi, nde mben harir suigip mbe viaviri. Khaɲ ki Fhe Bakimen gumgi gu mbigi, mbe wari won raar vhuun nde ndii.

¹³ Guma Bakime Zisas Kraiɛs nden korar muɲrim, Fhe Bakime won ndavar nden niɲrim, Fhe Bakimen Niina Naar nden kurarim, nde za wari tigip guigira ndava bavira kiri.

Fhe Bakimen Kaman Kamen Kire New Testament

copyright © 2001 Pioneer Bible Translators

Language: Kire

Translation by: Pioneer Bible Translators

Fhe Bakimen Kaman Kamen in the Kire Language

This translation was produced by Pioneer Bible Translators, and was published in 2001 by the Bible Society of Papua New Guinea.

If you are interested in obtaining a printed copy, please contact the Pioneer Bible Translators at www.pioneerbible.org

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

PDF generated using Haiola and XeLaTeX on 11 Nov 2022 from source files dated 29 Jan 2022

bfb792d-a7df-5425-8e30-1e4968f04468